

翁家

城西野宴

箇中那有暑相侵
消得青松幾樹陰
雲擁玉山橫草細
風傳金縷出花深
岩鳥晝閒頻唱和
水鷗天遠自浮沈
一聲長嘯千峰夕
碎月滿灘秋滿林

登太平興國寺

偶出林棲到市廛
不禁雙耳聒蛙蟬
直來古剎披雲外
少卧寒灘碎月前
天上已傳嘉靖詔
人

聞會有太平年野臣際此情何極願與毗那祝
舜禪

二

三宿山門百慮忘
閒身真落竺西鄉
坐當十寺煙霞勝
行納五溪風雨涼
自撥筠爐烹茗淨
手持松帚掃苔荒
蕭然雲水談禪處
不道蘇公是借床

過妙法寺

讀書三十年前路
此日那堪載酒來
佛骨欲超

歷代詩選 明 李 鈞 山 十一
終藉火詩龕可惜亦成灰一時舊雨人何在滿
地春風花自開劫劫看來真是幻不知隨處把
芳杯

宿閔時遇別駕草堂

移來盆翠似雲屯曳杖何須更涉園四坐涼陰
分樹色一簾疎雨濕花痕深宵疑卧山林寂清
晝喜聞禽鳥喧此地正堪吾子隱闌非城市冷
非村

登斗山平

幽徑崎嶇降復升幽尋忘却步伶仃隔林霜葉
如飛雨負郭斗山疑落星洗眼儘多雲外畫醒
心猶欠竹間亭園丁却解歸來意爲我閒談種
樹經

仲秋遊鳧潭

秉燭何妨作夜遊百年光景類蜉蝣坐分幽樂
當清世影照寒潭半白頭杯進紫霞空漢露絃
飛金縷壓梁州歸來溪棹已成趣不羨武陵湖
上舟

鳧溪小墅雜興

偶逢漁者話移時坐愛平莎淨若篩溪鳥水寒
眠畔早松雲翠濕度山遲因詩稱聖人應服以
酒號仙吾不知獨上高樓問明月可禁遐思繞
天涯

寄太守李本貞同年

笠簑已作釣漁人不受車輪馬足塵薄爾丘園
惟守舊老于文字尚貪新向憐得郡八千里茲
幸還家十二春三百同年魚雁杳江湖迢遞夢

難真

閒適

世故于吾一不經尋常懶出醒翁亭敲詩林際
忘長夏扶杖花前具老形邦國何曾裨氣力戶
門猶沐減租丁却慚踈野無由報但仰辰樞祝
聖齡

宗丈一之池上檻成

欄干十二正相宜共向芳池酌一卮花底誰教
紅袖倚鏡中微笑白頭窺歌聲繞屋塵初拂舞

歷代詩選 明李鏡山 卷一
影凌波水不知留句他時傳故事風流未減習
家池

春日登芝山吊水晶宮客汪廷器

王孫何處去不回依舊山亭面竹開幽徑風翻
花作雪野塘春入水如苔乾坤轉眼成今古後
鶴多情自往來一曲楚辭歌調苦雨前空灑紫
芝杯

韓溪爲汪世亨作

韓溪溪水碧潺潺上有葳蕤草樹閒雲影半林
迷雪屋書聲午夜出棹山時分桂粟聊供俎續
種梅花別作關祇有漁樵能認路更無人識老
蟠顏

十六日張元渙置歌舫邀遊虎丘

莫道歸來不是仙佳山到處有閒緣悟經未勘
生公石啜茗先嘗陸子泉畫在穿雲筇影下詩
成落澗雨聲邊遊人不盡登臨眼猶費鶩溪買
緡錢

小酌天平寺

老僧住此亦多年爲指前庄是義田竹筵且停
蕭寺雨芒鞋方濕古祠煙西岩不棟生成屋北
斗量金無價泉日暮欲觀俱不及重來擬徧白
雲巔

次方子澄韻

鏡山老去復何爲黜陟人間總不知吟嘯峰頭
應有分往來江上亦無期菱歌扇底風生面柘
舞臺前月滿卮遠水孤雲誰是主可將酩酊爲
君辭

望仙橋未登遂訪予鳧溪小墅

關徑初成跡未通茶煙深護小菴空何緣天上
青雲客來顧林間白鶴翁司馬東蒙文更雅杜
陵西蜀句偏工長才類假江山助遊興知君未
易窮

登天池寺

登陟誰云蜀道難峽猿到此亦愁攀每逢絕壁
驚廻棧何用層雲更作關暝色已封千壑雪磬
聲遙隔幾重山僕夫爲指燈明滅應是毗盧候

竹間

文殊臺

小菴分榻亦悠哉
泉淥初傳第一杯
誰把怪松畱盡本
自平生石作經臺
巫雲挾雨將寒至
海旭迎峰送霽來
分付山靈看鐵榷
他時還駕上蓬萊

閔川幽居

欲問程子居白雲
溪上是來往不逢人
但見閒鷗起

梔水漁歌

一澗小如梔潺湲
足清弄何處棹歌來
忽驚沙鳥夢

隔峰嵐氣

嵐光近若無逾遠
看逾好倏忽霽華開
峰峰淨於掃

珠溪寺與汝信夜話

日沈花影收客散
歌聲歇夜靜水邊樓
相將弄明月

歷代詩選 明李錦山
一燈相對青幽話遺世故坐久不知更虛簷滴
寒露

人生縱百年世欲那遠了幽夢正悠悠僧鐘破
山曉

聽雨

蕭蕭山寺雨十日足幽聞益見中年味淡于溪
上雲

野興

來往不逢人忻憤幽林下雨捲前溪晴漁竿正

把

江柳風蕭蕭曉煙橫翠黛何處雙雁來叫破秋
雲碎

題畫小景

何人結屋倚松根一片涼雲午作屯我欲相期
來避暑薰風時聽翠濤翻

曉發遇雨

久霽殘秋暑尚侵出門涼雨忽駸駸山塵不動
溪莎軟一路松聲送醉吟

歷代詩選 卷之四 曉度松岡

白雲無數鎖青山山下肩輿趁月殘忽上萬松
崖上看青山更出白雲間

題畫小景

半山殘照明秋水一徑清風吹落花林杪雞聲
煙外艇不成村落兩三家
寒飄雪色餘千嶂凍合溪流接兩淮何處行人
迷去路山亭恰好見梅花

梅花鏡面

一夜朔風三尺雪紛紛無復競紅塵獨有孤山
仙子在玉顏那改鏡中新

石溪斜出水條小誰着踈踈雪裏花明月無心
淡相照却移清影過詩家

柳枝詞

不唱六朝楊柳詞繁華過眼已多時于今楊柳
非前比無此繁華無此悲

輓釣隱翁

帶夕蟬鳴踈柳斜溪光鷗外淡晴莎夜深明月

無人釣落盡西風白藕花

與客觀畫

話忘清窟夜迢迢灑氣通林暑氣消移燭畫屏
秋更別西風吹雪到芭蕉

贈王德敷

一燈曾寓客窗寒青眼惟君作意看爲別十年
今始會渴懷傾倒坐更殘
留君夜餞水村寒折贈芙蓉共醉看正是不禁
離思苦月明南浦雁聲殘

題方廷實畫海棠白頭翁圖

粉痕微受醉痕侵嬌倚東風似不禁却笑白頭
枝上鳥惜花猶有少年心

巢父洗耳圖

一聞堯語如相浼急向溪頭洗耳頻莫道巢田
至清者飲牛還有上流人

過北庄憶黃菊圃二守翁

晚林隨處可停車野徑尋詩向夕斜忽憶去秋
人不見那禁清淚灑黃花

清溪曲曲樹依依幾處炊烟起翠微磯上不聞
漁父唱石塘秋水淡斜暉

夜宿休寧丁氏春草亭

西風吹落月華殘芳草留春夜不寒一曲玲瓏
聽不厭主人重進雪羅盤

休寧高氏
珍藏
書畫山房

休寧高氏
珍藏

石倉十二代詩選

明次集卷一

十峰集

和陶

大明

永康程

後學曹學佺閱

次停雲

飄飄涼風濛濛煙雨六合沉冥孔道云阻幽
適情高朋時撫靜言興思寤寐延佇

涼風飄飄煙雨濛濛六合沉冥孔道如江良朋
携壺飲我南窻彼美君子去此奚從

野有嘉木鬱鬱敷榮美人萃止愜我初情初情



允愜駕車宵征矢心偕往以慰平生
岐有鳴鳳集彼梧桐瑞醞九苞好音諧和諧和好音覽德居多吾道已矣悵其如何

次丁柴桑

有客言邁有客言止達游明庭隱臥蒿里永保厥終亦旣淑始

筮仕棘林駕言所由于觀于樂知我心憂心之憂矣德譽孔休位不媿德去此何遊

次歸鳥

瞻彼高鳥清晨出林近息臺端遠憇丘岑含哺厥子勞酬素心呼顛悲鳴秋雲凝陰

瞻彼高鳥于鳴于飛翱翔九霄斥鷃依依榆枋而棲飲啄而歸我棄雲衢雲衢我遺

瞻彼高鳥晨林徘徊一飛刺天誰復幽棲天路求友高空或諧宇清氣淑眷眷永懷

瞻彼高鳥栖栖霜條凡禽莫窺整羽肅標一飛戾天鳴聲交交爾亦胡爲下上忘勞

次形贈影

乾坤運大化氣機無停時飛潛與動植一氣感
通之人爲萬物靈橐籥理在茲堪嗟運數促聚
散殊無期大夢忽復覺獨徃何所思空遺身外
名言之每妻而苦無速化術自任了不疑願君
勿相外濁酒醉不辭

次九日閒居

東籬有佳菊采采樂吾生無酒斟以酌對此空
負名逢時忽九日天宇清且明花枝濯露色鴈
鴻厲秋聲悠悠特物變何以禦衰齡惻惻當世

士有杯不得傾委志謀聲利甘心慕軒榮縱懷
難強制塵網易愆情安得從角里鼎鼎丹砂成

次歸田園居

生平慕閒靜雅志在丘山辭榮歸舊業忽忽十
五年落鴻依故渚潛鱗戀深淵循徑尋東谷植
杖耘南田幽篁六七叢茅屋三兩間寒梅發墻
角細柳舞堤前蒼松停暮靄芳草漾晨煙月浸
書幌內風來桂樹巔笳鼓清宵迥長歌白晝閒
床頭新酒熟一醉任陶然

其二

解組臥幽谷山居鮮輪鞅朋來有餘樂心定無
俗想松下黃綺逢軒前白鶴徃晝靜人事絕夜
寂道心長道心日已長靈臺日已廣天衢任往
來那復迷榛莽

其三

投簪入深山林泉誰與娛日日携童冠緩步尋
郊墟去去山北路望望村南居種菊尚三徑栽
柳亦五株葛巾任蕭散軒冕胡能如欲尋鷗夷
子散髮滄洲餘古有速化術此語竟爲虛千年
既成幻一笑終歸無

次遊斜川憶舊

余年未及艾荷恩東歸休山中鮮朋侶日與
鹿豕遊憶昔去蜀時放舟在中流履險過三峽
輕生等浮鷗行行餘六月恬恬歸故丘憂時心
欲折謀道人寡儔結屋方岩下弟兄聊勸酬視
昔更思後可復如今否我生難百齡曷懷千歲
憂俯仰苟無愧身外復奚求

歷代詩選 月 和 瑤 卯
四
次乞食

我昔遊金陵飄飄何所之側身入西天險道詎
能辭灑灑巴峽水真如天上來進棹節金鼓有
酒忘傾杯喜無垂堂愁時和淵明詩觀風六七
載每慚襪線才 聖明許歸隱朋舊時相貽

次和劉柴桑

美人別甚久相望何躊躇君去登華要我在山
樓居睽隔三十年誰復顧寒廬握手黃金臺僑
寓鍾山墟思之情耿耿起步遶留畬世道日
薄漠漠忘勞劬弱女以相歸愆期有待無詎意
成中道緘書亦漸疎人生貴適意營營何所須
修短終歸盡富貴浮雲如

次王撫軍座送客

秋容正凄淡萬彙口腓腓栗烈氣南肅飄颻鴈
北歸荒砌寒蛩亂高樹鳴蟬依滄浪暗有約汀
洲願不違寂寂花枝冷脩脩木葉悲晨遊逢勝
景夕照明餘輝桂萼天山遠依稀塞路遲征鞍
欣未駕脫穎僅如遺

次和胡西曹 偶閱書有感

流光復初夏脉脉起南廳
入面添新爽穿花射
客衣朝霞生靄靈夜雨散霏微
依依溪畔柳灼灼園中葵
豈不媚時節涼秋溘以衰
感物中心熱幽懷且一揮
時至勿矜速運去勿嗟遲
擾擾世情子百年爲爾悲

次從都還阻風規林

薄遊西湖曲仍戀故鄉居
近可展親墓時以舒
友于夙抱四海憂留滯東一隅
行行隔天涯蹇

蹇畏脩塗落鬼臥雲野清夢遶江湖
靜聽鳥聲亂閒看花影疎
勲名昔未足光景此有餘
竊比山中僧朝貴焉能如

次懷古田舍

仕本爲行道君子豈無貧
貧者志力農終歲勞且勤
躬耕聖之事而况於農人
畎畝嘗憂國食舊還思新
東作望西成四農自欣欣
俯仰旣無累行止詎迷津
出入常相友水火慰比鄰
含哺擊壤歌允矣無懷民

歷代詩選 田疇
次西田穫早稻

民以食爲天有穫昌時端人秉耒耜業而以求
飽安東作苟不勤秋成何由觀日出兮乃作日
入兮乃還暮秋冬之漸霜氣早凝寒農父良獨
苦終歲恒思難一身不任勞一家總繫于所以
浮憺子俯仰無歡顏君民曷並耕憂樂本相關
籍田崇三推朝野咸嘉嘆

次下溪田舍穫

閒居深樹林省歛北山隈俯仰各有託但願副
所懷秋來望西成四農庶和諧家家易田疇晨
興聽鳴鷄隴畝傍溪源灌溉何縈迴年登聞餓
殍困踣啼且哀人事常如此天日何由開所以
沮溺輩四體弗敢頽亦有鹿門翁守耕志不乖
爾農聽吾言婦子常安栖

次飲酒

達士恒任命跼跼將何之淵明飲酒吟不爲飲
酒時悠然而自得性真寫于茲吾見苟不早排
徊空自疑決策事柴桑憂樂勿相持

又

五十田園居適我遺世情但求心無愧豈欲隆
虛名覆車戒往轍直道任平生清光白駒過浮
生飛鳥驚天道有消息寵榮息功成

又

紫燕銜青泥繞林雙飛飛一朝入華堂喃喃鳴
聲悲徘徊如不安栖栖轉無依去去山人屋茅
簷和日歸低回營密巢哺雛雛不衰秋至別主
人明年願勿違

又

垂垂籬畔菊九日何英英翫之不忍採徘徊自
多情坐對撫一觴神怡還自傾醉臥東窻下林
間一鳥鳴陶公邈千載胡不同其生

又

獨松秀萬木鬱鬱含芳姿因感君子操衆卉空
標枝寒蔭垂遠陌過者咸稱竒呼童拾松子食
之欲何爲將携赤松翁脫此樊籠羈

又

歷代詩選 明種瑋
君子依於仁如何曠安宅鼎鼎宇宙內種種皆
陳跡鳳鳥不復鳴人年不滿百園葵初扇紅吾
鬢忽垂白寄言塵中人流光誠可惜

又

幼學踰弱冠聖道茫無得漸至知命年猶恐慚
不惑方仕若好勝歷世情已塞任重徒有懷躬
耕在鄉國心事屬兒曹端居正默默

次述酒

重華御皇極休譽絕前聞至仁流天地寧以亮

夏分南封春拱日北闕曉瞻雲玉勅頒新國星
輶賁舊墳臨朝敷大道聽治及清晨金水魚龍
化天開豹象馴 元首光天德羣臣奮致身乾
坤呈健順夙夜則恭勤郊社新分祀華戎戴一
君瑤琴發遺響玉調奏南薰文德能來遠羣公
素尚文邊塵收漠北捷報出臨汾明良歡衍衍
宴會樂紛紛率土稱元后皇天日鑒親一朝光
典禮萬代慶明倫

擬古

歷代詩選 卷之九
鬱鬱岡上松，盈盈堤畔柳。折柳贈君行，期與松同久。天涯有孤客，爲我平生友。思之愴不歡，高歌對尊酒。百年能幾時，別離徒自負。願言強加餐，矢志酬高厚。令德亮可傳，榮名竟何有。秋菊滿荒臺，九日花堪採。不採出門去，歸來容色改。行樂當及時，桑田變滄海。衰鬢忽垂白，韶華豈相待。營營竟無成，日迫空嗟悔。

雜詩

金烏出暘谷，白兔升東嶺。兩輪互往來，流光奔

電景。時和天地交，氣肅星河冷。寒暑倏代謝，晝夜短復永。嗜酒勿盡醉，顧形空負影。人生不行樂，隙駒徒馳騁。不觀聲利徒，擾擾胡能靜。

又

歲月不我與，人事巧相迫。幽篁發新林，綠苗盈舊陌。兩頰不長紅，雙鬢忽垂白。行行六袞餘，去路恐窄天地本逆旅，吾身真過客。但落形器中，終當返故宅。

又

浩然歸舊隱生計在農桑如何忽云逝虛堂委
糟糠靜坐慘不歡怒飢非乏糧隆寒身不溫盛
暑困驕陽撫衣餘舊縷對几一何傷依依情靡
及盼盼天一方徘徊終未釋聊以慰清觴

又

辭榮理舊業洵美非一端松菊時撫之星霜十
五遷舒眺東山岑獨酌西嶺巔采采紫芝英逍
遙適所餐悲感尋歸路慷慨結前緣諒哉有真
樂爲和歸來篇

又

鬱鬱古木茂萋萋曉風涼白雲滿岩壑落月明
屋梁飛鳥戀舊林遊子思故鄉回首憐朝露拂
衣戒履霜抱此百年慮悠悠天共長

詠貧士

富貴蕩人志安得居蒿蓬俯仰觀鳶魚潑潑見
化工舉世樂行義動慕漢魯龔巢由與夷夔隱
顯趨不同君子素位行何心計塞通所遭有險
易此道長相從

歷代詩選 卷五 次詠三良

三良百夫特貞亮古之遺同氣咸一德此道何其微行事雖莫稽秦穆愛匪私出入相股肱晨夕侍軒帷諫行而言聽心孚誼不虧百年生有限之死矢同歸厚恩終難報治命焉可違君沒臣俱逝事異古所稀臨穴自慷慨惴慄詩人悲至今歌黃鳥琅琅淚沾衣

次讀山海經

山高草木茂海深羅網疎魚鳥生其間游息如

故廬閒居頗無累愛讀山海書動適耕耘會靜憇柴桑車甕頭酒初熟獨酌無肴蔬日月互推遷消息吾與俱一覽盡物理良契靜者圖人生不爲樂俯仰欲何如

次挽歌詞三首

生死固常理何脩亦何促人稟命于天在數也定錄氣散魄飄飄空形入窾木朋舊撫棺哀兒女仰天哭善惡無由見晦明不自覺僅遺子若孫詎知榮與辱丈夫生世間何苦不知足

歷代詩選
生前苦無酒死後空滿觴白雲墳上遶啼鳥也
外翔牲肴陳荒丘朋舊哭草傍有口舌不轉有
目視無光昔在華堂居今棄草露鄉永作泉下
客一杯土中央

草色白皓皓木葉落蕭蕭枯形寄空木移置出
荒郊清夜猿聲哀白日馬足曉寃鳥啼古樹寒
露滴霜條一入黃泉扁千秋不見朝千秋不見
朝賢達其奈何濟濟送殯子逐逐自還家妻兒
不能哀鄉井亦浩歌死去無生理體魄歸山阿

次聯句

鴈陣回衡峰衡峰高不極瞻彼寒棲鳥感之長
太息大鵬因風搏扶搖九萬力望望天南遊雲
霄相整飭四顧沅湘外高舉嵩華側上下絕塵
侶翱翔生羽翼皜皜秋空淨天水同一色寰區
觀化理無然起皇惑

大王峰

我生赤松鄉遙想武夷跡掛冠不出門空負山
水癖臥聽百鳥喧吟對一溪碧秋風忽乘興携

歷代詩選 明和五
兒謫居客度嶺入崇安虛空聞鐵笛坐觀天柱
峰半腰雲氣白

會仙岩

武夷山頭一片石白雲縹緲長如蓋武夷山下
一曲水青松蹇蹇長相對水落石出天地寬仙
子群然日來會雲飛松老不見人牧笛一聲橫
牛背

武夷五曲

紫陽精舍抱寒巖
智堂開任隱求止宿寮廬

堪晚對寒栖館靜愜晨遊石門觀善道心長鐵
笛橫風野興幽漁艇釣磯誰管領一溪茶竈篆
煙浮

寒栖館

徒聞仙侶栖學之難爲力畫靜山水深寒藤掛
空壁

和文公九曲棹歌

海內名山此最靈竒峰六六九溪清武夷仙子
今何在林外條條笛數聲

歷代詩選 目錄五
一曲溪頭齊放船天光雲影散平川
仙人鶴化無踪跡碧澗蒼屏空暮煙
二曲嵯峨玉作峰雲鬟神女若爲容
等閒一枕遊僊夢知落陽臺第幾重
四曲凌霄昇日巖翠流空壁影穆穆
一聲鷄唱千林曉山色平分漾碧潭
八曲峰巒面面開啼猿飛鶴兩徘徊
溪山絕處誰能領時有僊人駕鶴來

靈巖

古苔繡字綠斑斑彷彿群仙翠羽團
一隙通明天下曉滿山煙雨逼人寒

題詩岩

幾泛煙波倚棹歌沙頭閒却舊漁簑
題詩醉臥三杯石雲滿空山雨滿莎

靈峰觀次黃致齋韻

黃名宗明鄞人兵部侍郎遷閩叅政

靈峰一望白雲多誰共幽人采芰荷
九曲探源還我事飄飄巾舄映晴波

黃希英

字

有斗塘集

莆田人用晦之子

送同寅馬中孚督餉閩浙二省

國家有經費數貢在萬方厥土或壤墉成賦因
低昂捍禦藉北土饟餉資南荒道里雖遐邈貢
賦固有常皇心每軫念狡猾遂鴟張庶官旣瘵
曠赤子添瘼瘡戶曹司國賄天語下巖廊藏奸
命剗剔遐澤期汪洋馬君中州彥謹憇包中黃
干將飛霜白驂騶噴玉行鴈塔早躋陟花封久
歷駁髀髀劃已解肯綮豈張皇倏遷司徒秩欽
承休命光旦暮旣恐悚馳驅不自遑咨詢除宿

蠹籌畫敷腎腸融益敷陽和春忽回嚴霜赤城
建霞標天姥閣石艦鏡湖樵風便築道舊要章
登臨緣峭絕眼界變軒昂武夷排戟黼穹崇列
帷緗縹緲神仙窟青熒宋室璋

徽宗有玉簡長尺餘躋板

不可倦勝賞此在良藹藹嵌崖樹巍巍夫子墻

晦翁祠在四曲

捫蘿入雲島展敬薦溪芳縱宕追李白

浪遊過子長詩豪不可遏好景迫人忙倉廩旣
已竭蒸黎實未康餓狼守庖廚飢虎牧牢羊勞
心撫孱弱秉志鋤奸強溪邊多檉樹去後作甘

棠繭絲。勿事慇懃勸此觴。

送同部陳啓周陞陝西少叅是日諸公同
餞於清涼寺分得暮字韻

三輔舊皇都肯祭古所數惟彼旬宣責藉君經
濟具秉心旣淵塞敷政無錯迂逸足籀雲飛奔
崖懸水注昔日霜蹄淹今朝麟角遇錦帳已陪
春彤庭還列鷺契誼投紵衣離愁繞江樹握手
無限情江天雲欲暮

虛舟

千章大木出鄧林刻爲巨艦倚江岑豪商黠賈
侔大利纒成鹽井橫黃金益以萬鍾輕若羽如
山屹立當江心乘凌洪濤日千里簸驚蛟鱷潛
幽深春來積雪消蜀門灑灑堆前細如馬驚雷
怪波裂厚坤擊觸崩崖去如瓦黑風震撼洞庭
波河伯之宮倏領瀉乾坤蕩圻走荆吳螭駭鯨
奔無處下此時橦檣不可恃激衝飄簸同浮查
三老旁觀盡股慄天吳九首嬉相誇如何虛舟
只一葉浮沉雲水倚江花野水纔深四五尺漁

歷代詩選 卷之三 賦
二
簑歸去夕陽斜縱被微風忽吹去觸突舩舷人
不忤人能虚心遊物外肝鬲腎腸盡傾露谷神
不死妙無窮人世于今同一赴溱園蒙叟最探
玄達者妙應識其趣

題高房山畫山水行

房山西湖之子孫一腔汎掃與雲屯有時牙槎
撐肺腑幻出雲濤瀲灩翻鰲頭群峰壓不住海
上浮來雲外露長松落落鎖翠煙前村後村盡
寒雨小橋駕壑無人行兩溪流經石碎亂樹

深中更絲邈五城縹緲飛朱甍此君北斗司喉
舌妙手場中誇藝絕規模董李神更豪素練雲
煙欲明滅中堂忽生太古色滉漾交迴渺難測
安得人間有此幽曠可冥搜吾將誅茅結屋終
老長松側

題閔子祠

茲鄉生閔子萬載地猶輝地濶天應迥山明雨
欲微斷橋流細水古柳倚柴扉野老心全古關
門杜翠微

歷代詩選 卷之三 賦
復和馬子莘三雨亭

蕪荒一肘地刈竹放雲來細草知春茁芳樽向
晚開魚歡頻噤藻莓濕欲侵臺如寄吾生耳花
前且舉盃

馬子莘太常無名亭對酌

對酌無名亭微風入夜涼雨霽新病草窻倚舊
移篁逸興懸林壑丹衷答廟廊居人無老幼盡
說有庚桑

到太平觀

掌人間世仙都偶此遊竹林晴翠重茶竈紫
煙浮倚樹衣尤冷看山雲欲流羽人多逸興携
我上山頭

炎蒸困驅逐勝地滌煩憂鳥與黃冠狎人因翠
竹留松風六月冷昂氣萬年浮卽此是真境何
須十二樓

鬪蟋蟀

促織寒聲切荒堦細草凋穴居堦有壘仰食露
先秋勇鬪將誰爲微軀敢自謀殘燈倚孤村爲

歷代詩選
明黃三坊
爾憶關樓

送汪別駕赴茂州

治宓誇閩越新膺刺地勞程賒隨一鶴夢穩見
三刀水入瞿塘險雲連棧道高訟庭閑白日花
底酌醇醪

送同部陳啓周陞陝西少叅是日諸公同
餞於清涼寺

蓬萊左股走南州雉堞牽雲鎖翠虬峭壁千尋
連虎踞嵌根終古歷江流苔封古井人猶恨僧

掩禪關雲自浮它日鍾南欣賞處一川花柳憶
同遊

又分得何字韻

深盃莫惜醉顏酡江樹冥冥暮靄多花發九重
新雨露雲連百二舊山河一關涼月還驅馬八
水殘民總負痾江草無情留錦纜分携曾奈故
人何

題傅太守幽居

年八十八

五峰溪畔有神仙甲戌英名列俊賢赤壁騎回

歷代詩選 明黃三 坡老鶴青囊謝絕寵公錢閑行野色隨藜杖坐
鼓春風入舜絃綠野堂開無限樂郭令孫子盡
高騫

送張揮使出鎮鎮海

緹騎紛紛帕首紅將軍千里作旂幟令嚴刁斗
三更月威凜貌貅一道風海賈行看歸島外鮫
人知不到軍中如今頗牧煩當宁好樹雲臺第
一功

遊觀道房

憲酒倒影水搖明薊子焚香坐誦經竹暖日邊
調鶴舞風腥夜半聽龍鳴服殘石髓苔封鼎煉
罷華池液轉瓊松影雲容疑可攬人間端亦有
蓬瀛

與張南山振卿胡藻潭全之彭橫塘宜定
飲部署觀台金南山頌舊作有知字韻飲
旣南山拉藻潭橫塘騎馬歸希英當直巡
宿署倚知字韻成一律錄呈

魚鑰沉沉禁漏遲孤燈細雨更凄其城頭月暗

歷代詩選 明黃三 坊
征鴻度夜半霜寒老鶴知
鼎裏裏蹠看湫澗枕
中鴻寶覺支離有懷伯
起不成寐冷坐幽齋自
詠詩

南村

浦雲深處卽南村野老閒
來只閉門物外托交
惟綠醕枕中誰夢到朱
轡收將禾黍秋風晚散
罷鷄豚曉日敷積善莫
疑天道遠還留老眼望
兒孫

任鎮遠新鑿東山石洞同
寅聯句寄靖

如舜弟

古洞雲埋太始苔山公初
刷白雲開全憑神力
爲呵護要待高人與剪裁
絕磴已將辟石補隙
峰須把萬松栽新宮敬
祀朱夫子吾道居夷也
到來

西庄爲上海戚上舍之父作

北簪獨看青不了西庄野
老自忘機浦花亂隔
青煙迥湖水平涵落照微
忙爲課童鋤藥隴閒
來穿竹坐漁磯鬼園讀罷
無人到犬吠村雲掩

歷代詩選
明黃三城
畫屏

西愚詩爲馬子莘姨夫作

茅屋斜連向蓐收老人兀兀坐溪頭漢陰園裏
煙花靜給事庄前野水浮夢去獨遊神漢國詩
成人在夕陽樓嗒然得喪渾忘我倚杖閒看人
捶鉤

題睡鳥圖

春風媚桃李百鳥正嚶啾爾獨高眠穩應知到
白頭

種水仙花

宗生元不混塵緣雪貌幽姿總屬仙睡去蓬壺
無覓處夢回香雪滿江天
丰神恍惚想凌波未許香塵污襪羅誰意玉京
歸鶴馭滿園瓊佩舞婆娑
蓬萊山上罷瓊筵河伯宮中洗玉泉細帶玉環
裹香霧嬌恣誰羨鶴林仙

送僧

茅堂咫尺近蓬萊雲水平田盡日開大士居心

原什詩選

明黃三坡

原不礙故山無往亦無來



國家圖書館. NATIONAL CENTRAL LIBRARY. TAIWAN, R.O.C.



石倉十二代詩選

明次集卷一百十二

迪功集

大明

吳縣徐禎卿著
後學曹學佺閱

遊俠篇

四牡服朱軒俠氣何翩翩夕騫邯鄲道朝馳函
谷關千金飾冠劍寶服芳且鮮徒御若雲浮周
道直如弦堂中養死士被服皆珠紈櫪馬厰梁
肉貝甲委如山片言傾五嶽萬乘慕其賢諸侯
奉白璧爲壽卮酒前合從連趙魏駕轂出齊燕



仗劍歸質子矯節奪兵權
皦皦日中議歃血重
一言鷄鳴脫虎口
狗盜乃獲全天地相盪蝕
四海如沸淵憑軾一抵掌
解紛談笑間縱橫負奇
節逸氣蓋八埏慨慷功名會
何言七尺捐策勲
山河溢流光竹帛鐫何爲
坎壈士撫劍獨長歎
從軍行

獵火照燕然匈奴寇朔邊
昨夜飛符至將軍出
酒泉魚麗天陣合狐塞
伏兵連一鼓旄頭落長
驅捉左賢橫行黑山外
凱入武威川萬古清沙

漢常令無塞煙

少年行

生長在邊城騎射有聲名
召募河源去長屯都
護管登山望敵氣間道
擊胡兵十決推雄戰連
呼拔虜旌雲中息刁斗
天上掃攬槍坐弄胡笳
月梅花隴水清

學謝靈運賦華子岡詩贈趙建昌

朱巒蔚靈奧雲海互盤旋
陰霞絢石室夾篠蔽
清漣翠羽紛啁嘶瓊菜合
芬妍桂嶺屯蒼靄桃

歷代詩選 明徐昌霖
蹊迭紫煙朝登郡樓望佳氣鬱葱芊挹景企嘉
客臨風懷羽僊冥賞非偶愜神理豈虛傳建德
寡民務山水發清絃順性奚矯迹知道在忘筌
非君秉淵尚茲理誰爲宣

王敬止御史始竄海南繼移永嘉今自燕
中迎養

珠厓昔長竄連州始量移借問東甌土如何南
海湄霞標建台嶽桃源帶武夷鴈山榮桂樹象
浦合珠漪玉羶非一族海錯被珍奇金盤湛碧

露黃柑滿綠枝歡北三春日復愜暮秋時鳴琴
坐高館撫景臨華池迎輿侍潘令進酒舞萊兒
顧以今時笑還瞻昔朝離豐澤亨雷雨瑤草變
芳蕤永嘉多懋宰建德易絃絲昔慕文翁化今
蒙葉尹慈長沙非舊謫宣室契謫思光華冀一
接胡越詎能追河東欲有獻及此汾陰祠

在武昌作

洞庭木葉下瀟湘秋欲生高齋今夜雨獨臥武
昌城重以桑梓念妻其江漢情不知天外鴈何

歷代詩選
事樂南征

登半塘寺閣

夙有山水慕苦爲形役拘澹茲夏日永聊得狎
浮圖攀雲凌廣閣靄靄見吳都諸川散林上平
野鬱芬敷法花再縹緲晴采動虛無煙火下方
雜昏明時態殊境超自生樂疲心忽重蘇因傷
人世子擾擾卽長途

送友

瓜生葛薪下緣蔓義相因人生結交故婉變自

諧親交義諒不遠戚若同株根勿采棘下瓜棘
傷多苦辛不惜傷者苦但恐株芟分念當與子
別惻惻傷我神

留別都城諸同志

客有悽悽者三年歌式微竭來事原隰經返舊
園扉昔往被冬裘今還服春衣撫景雖云愜中
歡憊以遠出門見芳草念子忽如飢

送邊子出刺衛輝

平生歡愛日履坦昧前艱及爾嚴霜集方知未

路難疇昔同棲翮毛羽各摧殘顧影惟爾我
慼慼傷心肝

二

我私何悠悠薄送遵坳丘朔野曠無人樹木鳴
颼颼登高望衛邑思見漕衛流前景奄忽匿浮
雲蔽行輶

送范靜之遷威州

吾憐范巨卿
困幅不邀名
作吏竹林下
清風訟獄平
與君同得罪
獨窳夜郎城
萬里巴江水
相

足猶欲鳴

送唐季和謫穀城

襄陽千里道
念爾一杯辭
上馬山公醉
曹騰倒接羅
回風漂朔野
飛雪繞旌旗
及此下車日
黃河水泮時
江喧神女館
花發峴山祠
莫謂長沙謫
風流良在茲

貽吳叟

鬱彼丘園叟
居然松竹姿
生涯隔城郭
流水到茅茨
乃識堯仁大
誰言靜者私
中山多法酒
高

歷代詩選 目錄
會及良時歲月老將至耕桑日在茲鹿門姻婭
地從此接龐眉

懷往

昔我逢休景結交共雲翔秦客穆修矩魯生蔚
令章同聲展言笑四座發芬芳北牖湛清酒明
月出西方廣暑減流塵蘭燈揚朱光極意連篇
翰良夜殊未央歡宴豐時豫千秋焉可忘流光
一朝絕撫膺增慨慷

其二

充蟲測序改客鳥知時宴嚴風振中野凝霜薄
飛觀褰裳啓東戶河星出有燦耿耿不遑寐沈
思滄回亂何以終遙夕明燈且濡翰自我違之
子苑藻絕流玩郢斤不存日流俗耻墜墜鬼處
空堂中誰爲發言粲感慨申微詞佇立倚長嘆
雨霽庭藥芬郁

炎曦代暮節滌景布萋陰迎風抗高館疏牖匝
重林百卉熙嘉月洽土重豐霖中庭始及霽芳
蕤忽以森卽事寡喧垢投足顛幽深朝藝植余

歷代詩選 日後自集
杖時還散我襟處世常希寂委順故怡心何必
東山下考槃始投簪

五月五日

怡悅經故園芳菲值良節風俗猶自存念我久
離別葵榴綴時穠蒲荷散幽列莫謂暄景滋湘
江坐鳴鳩

對月有懷

夜氣泛虛爽灘聲來自遲繫舟南斗下玩月西
江湄對酒忽不御茫然空爾思

江夏題王守城南精舍

林步不覺遠溪流隨興長悠然深竹裏獨往綠
蘿莊山色佳南郭平疇連北堂野人來荷鋤蠶
月百草芳寤愜白雲賞載謠叢桂章垂楊足池
鯉閑曠有壺觴念此牽情性何勞緇素裳

題潘進士贈謝昌邑雪山圖

誰謂咫尺勢宛如觀九疑狂風吹白雪片片落
天池雲氣遶半壁煙光昏四維髣髴湘君廟如
聞猿狄悲颯沓凌冬樹點綴有餘姿楚客善毫

素游宴人未知北窻遇陶令大醉雪寒時凍灑
丹青筆長歌歸去詞它日看圖畫難忘剡水思
與江夏尹餞于舍人于黃鶴樓

未有干戈地能令棟宇全乾坤餘壯觀荆楚鬱
山川鶴唳寥天迥江深禹廟前舟檣控南北節
鎮此旬宣令尹乘時暇使君同祖筵炎蒸飄不
到虛爽境何偏乃繼登臨跡空懷作者賢風煙
一回首今古共凄然握手將安適經秋未擬旋
迢迢沙際月遙憶桂陽船

白紵歌

三星爛熳花滿堂素腕盈盈出洞房垂羅映縠
耀明敝敝若雲中開月光流情盼君君莫忘停
歌節舞進玉觴願君安坐夜未央

其二

中庭桃枝連理傾瓊卮含霞玉醴盈歌舞君前
流日成絲桐順耳感人情持觴把袂君不違願
作梁間雙燕飛

石川子歌

歷代詩選 明徐昌霖
石川子隱於魯門之西長牽青牛飲素溪有時
駕之馱文狸馱文狸乃至岱宗之巔弱水之湄
石門迢迢上通天玉京金闕光陸離過謁泰山
君道逢赤松師授以長生說鍊氣服食除三尸
青泥丹鼎子善治玉杵化日如相贈共爾商山
歌紫芝

贈王淵之

君不見十月狂風吹白雪長安城中地欲裂朱
門酒爐紅炙天空裏瓊花旋消滅由來都國盛

繁華青雲絡繹滿仙車浪說黃金賜寒士爭言
白璧謁侯家驕矜意氣遙相羨片善朝推蒙夕
薦待詔虛沉金馬門傳宣直上麒麟殿王郎漢
落僂何求千里乘驢被黑裘空論作賦稱才子
才肯低眉事貴游知君不得逢揚意終愧明時
老督郵

送士選侍御

壯士樂長征門前邊馬鳴春風三月柳吹暗太
同城蘆溝橋下東流水故人一樽情未已胡天

歷代詩選 卷之九
飛盡隴頭雲唯見居庸暮山紫羨君鞍馬速流
星予亦孤帆下洞庭塞北荆南心萬里佩刀長
揖向都亭

送王誕敷之官長沙

美人南往雲陽墟我欲從之道鬱紆晝夢衡峰
半空紫覺來失卻巴陵湖對君把酒心茫然七
十二峰猶眼前玄猿攀蘿石壁仄黃鶴空淵芳
草連春寒風多太陰黑瀟湘淋漓濕雲色楚宮
花木啼杜鵑舟子商人淚橫臆君欲去可奈

何憫知王事難蹉跎離心不惜瑤華贈聊學湘
纍誦九歌

送友

平原蒼蒼孟冬月行子辭燕指吳越淮水橋邊
賣酒家停車幾處梅花發羨爾侯門早拂衣柴
桑舊里角巾歸白酒山中新芋熟青楓江上蟹
螯肥閉門松竹依然在一曲參差醉落暉

寄華玉

去歲君爲薊門客燕山雪暗秦雲白馬上相逢

歷代詩選 卷之四 詩
脫紫貂朝回沽酒城南陌燕山此日雪雰雰祇
見秦雲不見君胡天白鴈南飛盡千里相思那
得聞

觀唐生寄贈子容洞庭山圖因求作廬山

障子

丹巒氤氳拂空起素鍊平鋪洞庭水迴谿笑指
毛公家忘却滄溟幾千里我隔廬峰夢紫煙常
騎白鹿上青天煩君貌出仙人障西寄長安向
日邊

王昭君

金裝嬌玉驄結束事和戎獨去白龍道遙將黃
鸝同紫臺留漢月青塚落胡空萬里琵琶曲流
悲入漢宮

彭蠡

茫茫彭蠡口隱隱鄱陽岑地湧三辰動江連九
派深揚舲武昌客發興豫章吟不見垂綸叟煙
波空我心

登支硎山樓遲游侶

歷代詩選 目錄
谷寺憐幽密茲樓表麗觀煙雲塞壑動竹樹入
門寒獨往迷前徑憑高遲所歡時聞有清磬遙
出暮林端

吳舍人園亭

新年風景地休沐竹林人魚藻含泉動楊園聽
鳥新夕陰連九陌喬木俯千鄰虛負高陽興多
慚醅酌身

長陵西望秦陵

新宮猶藹藹白露已蒼蒼詎識神靈遠徒悲劍

爲藏陰風振大漠落日照漁陽稽手攀松栢雲
天灑淚長

二

昔送宮車出長悲西雍門今來寒食節獨望灞
陵園杳杳仙城閉萋萋封樹繁當時侍從客慟
哭幾人存

秋日過故尚書吳公池館二首

平泉舊時里秋日水亭開苑樹澗陰合魚梁山
照來野人臨逸釣公子進新醅興盡何須謝垂

歷代詩選
鞭醉卽回

其二

不見尚書履階陰空綠苔菊荒三徑在棗熟衆禽來跡爲憐幽駐圖因好事開秋風懸劍處落日首重回

嘉禾道中

橋李城何在蕭條草樹存未醒吳苑酒已動越鄉魂問水來天日看桑過石門愁聞鶻鴿語寧聽楚山猿

浙江驛下作

自嘆南浮客崎嶇驛嶺遙川途澹斜日戍鼓遠揚橈目勢含滄海山形折落潮夷墟不可問徒使旅心搖

過梨雲精舍

遠師耽宴寂趺坐石牀深留客開香積談玄就竹林煙藤結暝翠雲磬下空音淨現青蓮色懸知出世心

送許補之還丹徒

歷代詩選

明徐昌設

大集卷三

七

憐君揮手去匹馬向南天
旅病青山外鄉心落日懸
燕關變積雪淮柳動新煙
驛路重雲裏相思易隔年

送友人還吳

陽月隨陽鴈遙從塞上來
北人江北望不見隴頭梅
坐下楊朱淚吟爲莊舄哀
聊傳數行札千里送君回

駕出南郊退簡邊喬二太常

齋殿鑾輿下郊宮鳳野開
霜戈迎日動芝蓋拂

雲來輦道前旌直鈞陳翼騎迴
甘泉枚朔侍詞賦接仙才

秋日懷李郎中及邊熊二君子

秋興因高賦雄才憶省郎
山川思不極雲樹莽蒼蒼
對酒知時變看花恨別長
如何霜後鴈猶未達瀟湘

寄子容

芳月高堂宴辭君楚水游
那知臨歲晚猶此對滄洲
津暖空雲度江明霽雪浮
新詩仍自惜何

歷代詩選
以慰離憂

月

故園今夜月迢迢向人明
只自懸清漢那知隔鳳城
氣兼風露發光逼曙鳥驚
何事江山外能催白髮生

又

落日桃源口迢迢望楚邦
煙霏靜夜色棹響繞空江
看月生西浦穿雲度北窻
高樓有羈羽照影不成雙

贈張注先生

蚤得投簪理緇欽遺俗情
丘園白日靜眉宇紫芝明
上德綏多祉賢孫復令名
道全身愈恭慮澹物俱輕
壽酒山人勸柴車縣尹迎
坐臨冲逸境於此學無生

靈隱寺贈靜公

聞有千年寺長松信許深
冲虛半樓閣落日更登臨
舟楫窻中小藤蘿天際陰
江流明暮靄石澗響空林
蟠據雄都會風煙異古今
幽真余有

歷代詩選 明後昌景 五
慕詩義爾能尋雲翼無言徧淵魚本自沉終期
白蓮社來就玉山岑

各賦隱士得魏仲先贈金陵顧徵士

何處蓬山宅汾陰傍漢宮冥棲紫芝客長嘯綠
雲中忽佇甘泉駕遙尋河上公玄風那可掇大
道本難窮夫子金陵隱心將靜者同瓊枝無以
獻歌此寄喬嵩

謁嚴子陵祠

言訪羊裘隱荒臺迹宛然岩崖祠屋綴天漢客
星懸伊昔風雲感立園束帛交神龍不可係造
化獨深全去矣孤蹤邈懷哉大澤偏釣竿何媿
媚石瀨故濺濺郡以高名著山依汗簡傳餘風
猶激懦聖代更招賢圭組誰憐辱襟期本尚玄
終焉赴空谷寤寐白駒篇

廬山

豫章山水郡廬嶽此深蟠吳楚開雄鎮東南表
巨觀中天浮黛色百里暖晴巒漸近雲消豁俄
驚勢鬱盤錦屏圍合沓玉笋屢叢攢詰曲羣形

歷代詩選
變登臨萬象寬風高六月電氣慄九江寒石鏡
明花外香爐出霧端劍芒遙轟轟龍脉故九九
瑤草幽難掇青蓮秀可餐赤城虛瀑布彭蠡更
波瀾禹跡于茲盛崇功振古刊壯懷凌絕頂倦
鳥息飛翰霄漢心何有沈冥性所歡將脩梵門
術欲上羽人壇淨社花垂白名巖竈覆丹昔賢
非不達於道自相安愛勝真志返遺榮亦未難
聊須偃松竹遂可掛纓冠祇爲懷佳侶淹留獨
寤歎

於武昌懷獻吉五十韻

豈是乘桴客棲棲鄂水陽故人多放斥吾道轉
委京寵辱今如此沈憂不可忘隋珠元按劍荆
璞自離殃似爾青雲器誰言世網傷王風紛墜
地冥契獨升堂逸擬曹劉駕清聯沈謝行列星
分漢署白雪映仙郎能使尚書重深揚國士光
在公勤夙夜於古準羔羊側席遭仁聖求言渴
禹湯靡躬懷骨鯁有疏削豺狼邪信黃金鑠萋
然貝錦張孤誠迴日月萬死出風霜直道馬辭

辱庸夫或笑狂始知天德廣曲納海流長賈誼
猶投楚鄒生故泣梁如何捐虎口忽已訝雲翔
我識從偕計觀風美大唐謬通仙藉末賜對玉
墀傍食粟真爲竊河清詎有常寧論供黼黻祇
爾奉趨蹌乃邁同心彥陪游古藝塲夜閒堪秉
燭日旰尚含香莫逆談恒劇從容寢不遑允求
諧比興端可發宮商疏越宜宗廟華蟲傍袞裳
淵衷深禮樂文化蔚巖廊豈謂菴徂落還應厭
治康雙傾泰陵淚俱斷杞人腸赤子居猶喘蒼

天意叵量河山開紫氣符瑞轉宏綱漸歷輿圖
遠欣瞻帝座昌聲名掃烏谷英德邁龍驤姬旦
匡周室相如侍武皇俄看靈霧鬱半覺老成亡
鱗逆攫須斃乾行斷自剛內林鳴啄吻丹闕擘
浮芒逐客無寧跡窮途不裏糧厲階生枳棘芬
餌挂鸞凰西去仍秦苑南歸定汴鄉驚飛憐帶
繳欲往歎迷方憶向言門別重荆季月芳幾時
申契闊繇此卜行藏太潔爲身累虛名與世妨
悲歌空翫麟中路惜傍徨潛伺亨陽復終焉履

善祥達人聊麴蘖隱士且庚桑鴻鴈紆關塞江
流極楚湘遙知懷逐侶一爲奠椒漿

與太學諸僚宴集

藝苑開三徑閒僚散竹林絃歌一以暇春服共
相尋薄采漪皇澤臨風欵道襟高梧無雜蔓
呦鹿有佳音藉草時傾酒披衣或鼓琴何妨
慚黠也吾醉獨狂吟

題唐氏園池

堂上琴書暇名園愜宴游綠陰交樹石白水
散田疇林步常驚鳥沙眠且狎鷗開軒桑柘
接當徑草花幽野老時相過村醪擬共酬陶
然菊松下乘興足淹留

瞻文溫州畫像

浮生此世隔過位恍然疑直訝風雲動俄驚
泰華際巖廊不可起英爽儼如遺白首通
辟略雄才沮一麾徒教涕泗闊共惜羽毛
進堂几蕭蕭在丹青漠漠垂典刑歸此老
江海寄餘思有忝吹噓力無忘沃醑辭風
煙久搖落魂氣欲何之

躑躅庭除下 伸衷托短詩

○晚過獻吉齋所

端居聞子肅清修 吏散鴉啼省署幽
芳草不知人獨往 空山何意鳥相求
開軒歷歷明星夕 隱几蕭蕭古木秋
自昔風塵堪吏隱 浮生莫遣有離憂

○送耿晦之守湖州

遠下吳江向雪川 秋高風物倍澄鮮
鳩鵲菰蒲翠相亂 錦石游鱗清可憐
邗渚撾頻津吏鼓 漁

歌唱近使君 船吳興峴山足勝事
漢水襄陽空昔賢

贈別獻吉

爾放金雞別帝鄉 何如李白在潯陽
日暮經過燕趙客 解裘同醉酒 鑪傍徘徊桂樹涼
廳發仰視明河秋 夜長此去梁園逢 雨雪知予遙度赤城梁

送廬陵楊二尹

何卑執戟謝京華 却愛河陽縣 裛花不爲遠師

歷代詩選 卷之三
招白社擬從勾令覓丹砂青天挂席浮明月螺
水迴舟勝若耶莫學南昌隱君子離羣應拂五
雲車

○送盛斯徵赴長沙

昔愁越雋千峰仄轉入巴渝萬里賒豈料聖恩
憐賈誼猶煩郡佐出長沙蠻中瘴遠三湘水江
畔春逢十月花遙聽岳陽樓上笛可能回首憶
京華

○寄獻吉

昔聞巴卜扶溝廬爲復還從河上居嵩雲落日
暎在眼罨沫蛟渦愁故墟一掬那傳少陵淚經
年不見茂先書荒村豺虎眠難穩好共滄江學
釣魚

○感興懷獻吉

客舍秋風動客哀殘花秋日伴殘杯虛名久愧
爲身累白眼那能免物猜落魄京華空老大旅
魂江漢好歸來山川矯首浮雲迴倚杖遙登何
處臺

聞庭實上計不與悵然有懷

輶車十月四方來奈爾辭天獨未回遠在荆南
淹蜀盜祇從極北望燕臺子山涕淚秋難盡杜
甫干戈老更催牢落梅花江閣迥肯拚碁局負
深杯

○ 寄杭東卿

西湖十月煙水平梅花參差千樹明越王城畔
氣應早林逋宅邊江更清驛使章臺空寄別霜
天玉笛暗沾纓故人若有揚州興爲聽春鴻自

雪聲

沅溪潘進士在長安遊旅中見庭下山丹
花詰其云是沅中移來感而賦詩命予

嗣響

故苑花空發他鄉鶯自啼主人孤館裏斜日楚
雲西

月軒

石室月已滿青林人未眠向月步溪水白雲遙
在天

擬古宮詞

興慶池頭漏未闌梨園弟子曲將殘
花前更進京州伎無那西宮月色寒
狗監離宮承宴歡掖庭通曉不迴鑾
那能夜夜長門裏銀燭薰衣待漏殘

送顧馬湖孔昭

巴東明月巴西歌兩岍梅花羌笛多
一曲停橈雙淚落猿聲三峽若爲過

安南歌送沈使君

借問炎交路若何片帆南指廣州過
知君拍見檣櫓樹近嶺猿聲日漸多
烏蠻灘上煙水聲伏波廟前秋月明
夜半津人挽舟上夷歌偏動望鄉情

石倉十二代詩選

次集卷一百十二

卷一百十二

次集卷一百十二

三

藏書

藏書



國家圖書館, NATIONAL CENTRAL LIBRARY, TAIWAN, R.O.C.

歷代詩選

明徐昌霖



石倉十二代詩選

明次集卷一百十三

文定集

大明

鄞縣張邦奇著
後學曹學佺閱

感遇

湛湛湖中水濯濯明芙蓉關關對鳴鳩洋洋雙
鯉魚步屨隨薰風欲去還躊躇須臾兩玉童飄
飄來太虛授我以丹砂啓我以靈樞渺然殊自
失便欲登雲車萬物各有適悟徹焉所拘遊方
遺外內寧須別故廬

歷代詩選

明長安甫

文定集卷一百十三

一



簡徐子華太史

西北危堂構飛甍薄雲霄繡戶瑠房櫳雙燕來
遊遨燕飛何涎涎竒音振林臯銜泥殊未已秋
風尾條條尾條何足歎去去傷徒勞風雨日夜
急嗚呼怨漂搖斂翼蓬蒿下舉頭雲漢遙安得
逢陽春雙飛完故巢

迎春

日月遞升降陰陽互推移陰陽各異致平均迺
其歸君看至曠裏象數無偏竒疑寒旣以極并

生春暉庶形自終始誰能測其機蒼蒼不自
言知天一何希

君子先立身達人貴知志勲名照千古事業在
未試君看梁父吟已有殷周思條風發青陽生
態正幽閔當其爛熳時已復非春意玉不生璞
中誰明卞和氏

秋懷

生來不飲酒一酌已深醉况茲秋夜長氣清不
成寐庭柯欲凋黃野草忽改翠藤蔓空百尋迎

風見輕脆鳥獲輕千鈞首陽甘困悴苟非松栢
性何以禦寒歲

樓外鵲巢始成

當樓烏柏樹高可五丈餘乾鵲來經營晨夕看
指拮不待施斧鑿又不事杗樞驚颺萬木撼孤
懸常晏如歸棲何疆疆戢左右復舒豈徒睦中
犇亦以防外虞宇宙萬夥類物物各有居蕩子
行不返使我淚盈裾

苦雨

孟夏乃淫雨朱光轉妻其出門泥淖深平疇漫
成池雨龍一離窟癡雲挾遨嬉淫淫翳空下滔
潛無厭期靈湫寄大頂蛭蟻鳴其涯風波倘失
據飈颯當告誰梭懸雖待奮魚服終堪疑吁嗟
望歲心悶悶誰能知

感興二首

臯夔昔遭際賡歌切卿雲日月懸高名丘山比
崇勲光華旦復旦解愠流南薰生世苟不遇湮
淪復誰云據梧南山下高槐覆青芸河清諒堪

侯鳴鳥吾其聞

明王錄忠良鼎餽酬明德世運一以遷有時榮
藿食藿食非所榮清修表孤特如何昧日子勢
利紛相射緹縉空十重卞璞委荆棘矯矯皇甫
規超然分玉石呼卿問鴈門躡履迎縫掖

下峽

乘桴下三峽山水分崢嶸支危攫虎豹逐駛奔
蛟鯨灘聲混晴雨峰影滄晦明不見星月光但
聞猱狔聲迢迢甬東路淒淒湘水情庭闈屬遙

想魚鴈久沉冥緬懷易播人古道今誰弁

十一月四日甲子泊桴松滋阻風雨

投沙旣十載署蜀將再葺嚴揚久冥冥巖岷徒
嶽嶽長使歡愛隔迥與初心違戒舟黃陵灘繫
桴枝江溜暮雨昏巫峽迴颺掣長旗蓬漏妨夕
寢薪窮罷晨炊豈疑世相棄實畏天方濟敝廬
鄞江上遺編堪復釐歲月未云暮義農應可期

雲溪道中

披星雲溪道悠悠向巴陵荒榛牽我幃寒風吹

歷代詩選 明張常補
我纓憶昨初降霜奄忽成堅冰朱陽闕玄陰百
卉俱已零陽春何邈悠感歎徒相仍

次惟靜叔韻

茅堂對東壁遠天明黛額渺然思丹砂何勞歌
白石岬柳生微風池荷弄圓碧中庭闕無人明
月暫嘉客招邀未成眠對酒忽心惕焉得假流
光乘之登太液

雨後過東鄉卽事

益浦收夜雷老龍仍臥矣雨色生夏寒晨風薄
羅綺携舟向遠山村店類塵市波恬若鋪席倚
蓬如隱几濯濯江柳長森森塚松穉新苗刺平
疇麥秀曠盈視樹覆川更幽鳥呼雲欲起鳧鷖
自浮沉岡巒漫推倚憶昨遊全荆歲馳千萬里
衡山五方嶽洞庭天下水吾鄉此山川小大非
倫擬幽事亦不稀觸目總玄理滄溟在東南茫
洋大無比有興欲乘桴誰爲由也喜

贈嵩渚

燕京昔多難遊子悲無依驚飈亂雲物千里何

歷代詩選 卷之五
五
悽悽歡言會知己知己各有懷促席不敢道燈
燭寒無輝嫋嫋洞庭風飄飄吹客衣悵望蒼梧
雲泣別雙明妃

送牛西塘太常致仕

風塵二十載睽離一何多會合今幾日臨岐將
奈何相知旣以晚相去忽以遠飛雲澗水西望
望心悽惋沉沙雙鷓鴣牛斗栖精輝子其寧爾
心親交良不稀

送張蒙泉上舍還天台

差林曉色靜遊子信南征紋峰漾晴彩疎松暢
鴻聲別家旣二載歸筇惟一經瞻雲北都思倚
代南國情知子不可留執手心怍怍天台控三
島石脉通四明况復鴈蕩山崢嶸連赤城將呼
赤松子并拉安期生太宇月爲燭天衢雲作軒
相期弄瀑布周遊下蓬瀛

舟次潞河讀姚吏部贈別之作

朝辭國都門夕弭河西節悠悠碧霄間逝矣黃
金闕君恩如海深十年脫吾褐肉食分大官玉

歷代詩選 目錄前
堂置清列消埃曾未傾瞬息遠離別金緋非我
榮湖山非世悅人生各有懷欲吐難爲說懷哉
故人心鑑我如秋月

送張賢萃尹豐邑二首

與君昔年少展步凌浮埃于今十五載中路胡
徘徊慷慨論平生一飲傾千壘他時動相憶夜
月臨秦臺

秦臺久不再黃塵何漠漠我昔經其隈東瞻淚
盈掬浮雲正南征赤地看優渥寒當雨之衣凱

當雨之粟

詠懷

昨登武當峰超然並箕斗因之得大觀藩籬忽
而剖吾生本無涯所貴心不疚跼蹐祗自勞紛
華竟何有風生越練紋甬空明鏡垢已矣歸去
來毋使心常哀

入隆山

雲山久相違忽見令心悅况茲春已深兼值雨
初歇岡巒翠欲流蒲柳柔堪結蒼松晡暖間行

歷代詩選 卷之四
行閱香雪

題殷近夫扇面

愛茲手中扇皎皎冰玉姿清風動愈出不受緇
塵欺與物本無係卷舒惟所宜君看大化運開
闔亦有時萬類盈其間誰非息相吹陰陽互消
長乘化詎能違清秋歛淫雨涼颼颼然來棄置
莫復怨春陽豈無期

輓楊總兵

邊關昔日施長纓璽書幾度褒忠精陰山獨屨

漢家蹟匈奴舊識驃姚名暫辭金關下江漢三
千徒御皆無聲仗劍行期靖柳嶺數竒已恨同
陰陵湖南霰雪日夜零旅魂不化寒雲疑安得
壯士寧 神京帳望霄漢空沾膺

鄭溪發舟追悼汪黃三公不及

四月雨過雲消溪驛吏送酒不盈卮青山迢迢
碧樹低獨立船頭沙鳥啼清風故人會面稀四
載湖湘悲仳離翺來邂逅天之涯對酒復悵尚
書期李郭聲名四海馳仙舟不共令人噉盤溪

水急去如飛我欲追君君不知

懷陳宗望

故人西向吳山阿幾度歸來不我過
席間由丈久違問夙昔志業今如何
如今仲蔚蓬蒿裏夜夜相尋渡溪水
覺來起視明月光宛在何方水中泚

題松下携琴圖

碧山悠悠高插天盡日松風鼓天籟
造物以我爲知音許我山中獨行邁
我亦携琴欲和之此

心已寄浮塵外聾俗繁音恐不聞
天地無聲亦應解

一塵不到軒歌

出門便覺塵埋頭如何有許清絕同
丹丘簾櫳花開日秀朗惟有月向中
庭流君心淡如水有脚不踐名利輶
青絲垂門俗轍掃日賦百篇酣數甌
嗟予誤落塵網中十五年來不相訪
恐瀨君家庭院之清幽曾中丘壑亦
不少顛毛未改簪先抽夏槐屯雲湖
水綠早晚欲榜沙棠舟

歷代詩選
翡翠圖

子臧日夜求珍羽輕身誤向黃廬渚天孫衣我
何太竒每落人間不知處水遠山長煙霧銷碧
霄回首思輕舉飄然謝却五陵兒白玉樓高明
月曙

覽翠樓

樓前雨過塵如掃翠屏面面澄懷抱老檜長松
東不凋下廼安期布瑤草光流銀漢映欲空氣
合秋旻青未了浮雲萬點去無踪白鷺一行飛

更好

界山驛遲同盟不至

下青山今步徐徐山禽百轉春日西凌高睇遠
宿有期青牛白馬來何遲山磴盤迴不可極直
下山根竚孤驛落花滿溪不見人千里百里空
山色

蟠龍山

登蟠龍兮高絕塵十轉百轉回回新小橋巖壑
迸流水中有石室居仙人斜陽在樹白鶴鳴長

歷代詩選
卷之四
峰短峰殊晦明須臾洞口陰風起吹作瑤空飛
練聲

小寒食綿州同兵備憲副曾鳳陂登春酣
亭

春風吹上春酣亭江山圖畫開新晴尊前柳花
如雪舞樹杪淑氣催鶯聲惜取亭空人嘆息凋
盡芙蓉秋水碧使君一日下綿州遂有樓臺高
百尺我亦明山舊隱淪歇馬溪頭問春色一盃
破盡寒食寒似醉繁花露濃夕曾公會公本英

志見汝
先朝幾封事近日談玄復有禮聽之
動我凌雲思涪江淨洗白鷗心柱史隱動青牛
氣何必區區懷故山此中亦有君平肆

靈谷

君不見鴈宕盤紆東海壖西有靈谷吐納千峰
萬壑之雲煙平疇黍稷鬱蒼玉曲澗松篁鳴綺
絃谷中主人雅高尚築室讀書多歲年客來煮
茗坐深夜共訝清風明月由來偏我今白髮巖
塵鞅幾迴夢落仙巖泉終當買舟携酒問幽勝

歷代詩選 卷之三
日夕與子相盤旋

題畫

汀草初落汀花淨白日西風濯明鏡翠房佳實
秋可憐兩兩文禽適情性嗟飛燕空涎涎啄矢
深宮何足羨

靈龜出萍輒刳腹清廟青黃却災木微生渺渺
天悠悠眼底安危憑相攸君不見明月高寒白
玉樓羽衣不動香塵流

鳩性愛雨花愛晴同倚東風不同情春光二月
濃於酒雙鳩醉寐不復鳴雙鳩不鳴花相語無
令鳩醒教天雨

送呂畫士歸四明

樂愚孫子雙眼青下筆萬頃雲霞生竭來京華
未幾日十家九家花鳥明薰風別我欲歸去我
亦馳情入煙霧百幅生緇一壺酒期爾琅玕最
深處

送林郡侯

秋夜悠悠殊未已月光流入床帷裏狂飈驚亂

絡繹聲起拂烟埃步階屺衆星歷歷如可攀欲
扣天關愁萬里見說支磯有路通便欲倒瀉銀
河水丈夫意氣貴相期英豪海內今能幾仲蔚
門前草已深君歸岩穴何時起

閱耕圖

春雨肥東菑春風吹短褐一犁但使衣食充百
畝長遺子孫活君不見扣角歌聲暫歇他日逢
時作伊葛

課讀圖

白日扃重門書聲徹林木先生謝政早歸田手
把經書課兒讀君不見陳太丘但貽穀世世朱
輪與華轂

雪夜渡彭蠡

渡彭蠡兮風蕭蕭大孤小孤寒雲飄水晶琢就
萬峰骨梅玉點破千林稍漁舟遠宿火明滅野
鶴不鳴天寂寥瑤京十二樓中月應照仙人吹
碧簫

雲安仙客行

歷代詩選 卷之三
放舟下魚復勢與蛟龍爭締繡雲搖三峽影微
茫月照萬川城可憐萬里飄蓬客蒼苔露冷東
山石見說仙翁此結廬暫向雲陽停掛席是時
邊關豺虎驚朔風正攪黃沙磧翁昔威靈遼海
間 今皇拊髀興歎息問翁翁不言舉觴視遙
天願續扶嘉隱高歌郭子篇青燈白髮照竒骨
永夜玄談真夙緣五峰拔秀出浮壚百壺雅致
忘高年君不見蓋世英雄固陵道只今但見虞
姬草又不見揮金買賦悲長門時違屏棄如孤
豚風塵廿載無寧處黃鵠乾坤成再舉一醉翁
家麪米春江皐細灑如酥雨

題南渠畫圖

南渠先生雙眼青未老拂衣歸赤城精廬巖谷
軼浮壚擬結詩社誰爲盟朝來放鶴狎紫冥邀
取海上安期生相逢一笑開楸枰碧山幽幽溪
水聲山翁無事投樵斧觀碁未竟柯先腐今古
推移了不知誰問勸女媧土南渠先生好胸
臆况復林巒遍仙蹟漫欲相從會有時爲我豫

歷代詩選
卷之三
拂松間石

題扇面圖贈且翁叔

金峩雪竇高入雲西有萬頃田
灼灼下頭庄邊香稻熟風景
依稀如鹿門小舟棹入焚修
橋釣絲搖曳風蕭蕭槎湖新
水綠於酒擬築糟丘千仞高

送毛巡徼之任平圃

禁城風暖花欲然馬蹄急蹴
雲霞穿黃金枝下綠尊倒遙
望嶺南春可憐嶺南物色紛
華彩

竹四時長不改一別何當萬里心
幾欲乘槎泛溟海

郊齋次父菴宗伯韻

晝永嚴無斃庭虛戒有臨青陽
新歲德精意格天心纖月春垣
淨疎星曙閣沉鑿輿肅明發
瞻望感微吟

九日院宿

玉署逢重九秋花傍苑墻天涯
來第姪客底似家鄉槁葉池魚
響深松海鶴藏院虛宮漏永
趺

歷代詩選
明月
坐月微茫

送貳守張君之任開州

大伾殘雪裏風物正淒淒
目送孤鴻去行看五
馬齊對床懷玉署揮鋏下金隄
赤子憑留計青雲自此梯

和人宿碧雲寺之作

傍榻爐煙裊穿巖落照微
溪晴雙鳥度巖暝一
僧歸雲臥衣裳冷天空筆翰飛
夢醒鐘磬發蕉鹿是邪非

送李巨川

高蹤不可及羸馬過溪橋
欲別青山暮相看白髮饒
斷煙橫遠浦急雨亂春潮
望望僊旌盡鳥鳴雲樹遙

湘潭道中

自古有英皇空勞客興長
亂雲迷楚堞寒竹照清湘
水面拖冰老松頭戴雪
強冥鴻霄漢物感汝到衡陽

冬日雜詠

歷代詩選 卷之三
雲白蒹葭冷山亭盡日幽百年雙鬢改萬古一
塵流隴樹知今臘籬花誤昨秋獨醒誰是侶湖
上片峰秋

落葉打尊盞空山酒自波九歌妻宋玉三易老
田何赤岬疎楊柳高檐響薜蘿歲寒心想絕朋
舊已無多

草枯連野曠牛飽背童歸獨鶻飢偏厲孤雲
不飛松風哀澗玉苔石曳寒衣霜白鳴鴻遠
光灑竹扉

好峰三十六箇箇月明中潮落半江遂天空
外鐘桂庭寒積翠楓澗暖流紅白石吾垂老
桑弧感射蓬

臨清發舟沿途遲陸儼山不至

旅遇頻相失雲飛自遠山長疑隱汀曲渾似隔
塵寰水鳥衝沙際川雲逗席間歡娛莫終負頭
髮兩俱斑

出濟寧柬李主簿

濟水炎蒸日吳船此再經長堤萬柳碧平野數

歷代詩選 明張常甫
峰青往事悲何極，塵途鬢已星。沿流人忽遠，涼月墮醅醴。

夷陵山行至九灣絕糧

路險仍遭雨，人疲又絕糧。山花空的歷，我馬自玄黃。草屋家家破，秋田處處傷。昔年羈宦者，青史著歐陽。

秋日孟有涯都憲東沙儀部宗叔過予分韻詠白菊

晚色靜籬落，澄空明素芳。寒銷銀燭影，清奪
鋒霜十載驚，雙鬢三秋共。一觴出門星，月淡
路總相忘。

贈何積夫昆弟

君家好兄弟，秋水出芙蓉。故國一相見，春風千樹春。溪晴雲隔寺，山靜月流鐘。短閣厭厭夜，荆花入座穠。

寒食懷梁竹村先生

仙翁渺何處，江水不容舸。酒詫揚雄薄，詩催杜甫豪。清湘動雲竹，赤堇耀蘭臯。疎雨歇寒食，春

歷代詩選
空孤嘯高

渡楊子江

大江流不盡此日一來過更欲登臨去其如感
慨何清尊延勝景遠岫列澄波長嘯懷今古乾
坤幾不磨

述懷答東田弟

六十不歸去八年空及瓜何時觴北渚陪汝奕
東沙仙構須依竹吾廬亦寄槎賡吟猶有日棠
棣正敷華

次孟有涯韻

陰雲解薄暮澤國銷煩蒸屋觴鏡中出月輪屏
外升玉管妻鳳竹金風厲虬蒸星河如有意洽
此良宵朋

送裘景文妹丈還

壁水春回處相逢瀚海郎風姿渾玉雪談笑盡
文章晝永頻更僕宵寒或對床悲歡懷往事居
起及高堂放鶴青雲閣呼僧翠竹房層臺臨象
締絕磴俯鸞凰草長槎潭碧煙銷越樹蒼無由

歷代詩選 明張常甫
送君去翹首鴈成行

送林進士使還

長江不可極歲晏遠行舟
雪燒青山館天空黃鶴樓
風情今道侶詞賦古名流
玉質懷冰映瓊筵叫白浮
九霄看使節萬里念宸遊
欲寫羈臣思憑君達冕旒

還塋 涇王奉命之天壽山題主

看山有興出城難此日公餘得縱觀
亭館緒風妻鶴馭林巒佳氣謾
龍蟠孤松絕頂凌秋瑟片

月中庭鏤樹寒藩室總霑天寵渥
睿靈長倚

帝居安

春日遊南城

透迤籞宿遶層闌松檟陰陰紫殿寒
竹引井泉通翠釜烏嘶林葢下瑤壇
五雲挾日河山麗六御行春雨露寬
翹首幽風亭咫尺詠歌天保及斯干

陪祀 泰陵

憶抱烏號三十年園陵今夕倍凄然
庭華有

歷代詩選
日
淚山經雨林木無聲月在天燈燭上搖銀漢影
衣冠齊染玉爐煙 龍輿彷彿祥雲裏春滿乾
坤 聖澤綿

七月廿二日翰林東署邀儼山後渠二宮
詹賞蓮疊禮部來玉亭韻

方塘幽勝玉河邊亭午香霏石鏡蓮乍喜客來
收澍雨却教花如領風煙容輝淡蕩湘江珮風
采逍遙鶴上仙斜日未須輕別去會看清影綠
尊前

水花搖影掖垣邊白髮相看詫炬蓮太液池涵
金掌露若耶溪遶北扉煙人間偶識新粧面天
上重回舊謫仙四十年來稀會客百壺須盡晚
香前

孫季泉太史奉母太夫人南歸詩以贈之
棣花樓閣五雲城王母親將下玉京 恩露遠
分瀛海潤文星先注越山明河經宿雨仙舟駛
簾捲春風舞袖輕我亦有親歸未得薊門南望
不勝情

和介溪宗伯遊西山諸寺之作

石峰層翠倚蒼天，上客重臨更洗然。祇樹盡含
山掌露，曇花齊帶玉樓煙。寒窻聽偈燈頻剪，幽
閣談詩席屢前。一顧邊關鈴柝靜，卿雲祥靄自
堯天。

元夕未齋宮保招飲張燈作樂

次汝湖
翰長韻

今夕何夕月當戶，尊前對此群仙人。長歌忽到
刻漏盡，痛飲不知天地春。嗟來羨門爾吾侶，欲
往蓬山誰作隣。璧殿星橋有深慨，開簾且視梅

花新

赴未齋宮保會賞梨花

侍罷宸遊興不單，更携仙侶玉堂寒。華燈竹
葉勞相勸，春院梨花故未殘。月淡煙雲橫遠漢，
鶴憐清影失旃檀。百年知己俱頭白，對景何妨
一盡歡。

次林小泉大司空得請致仕因以爲贈

忽聞溫旨下，虞庭老覺人間好。事并稅駕煙
霄真，志足杖藜山郭尚。身輕勳名已，紹家庭舊

詩句仍傳里社清八十潞公猶戀闕佇看鱗錦
更承明

喜雪

夜半窻櫺疑曙色起看門外雪封溝三山有鶴
棲瓊樹九陌無塵上玉樓光借鹽盆雄獸勢浪
平銀海伏鰲頭豐穰有瑞壺觴合莫遣詩遲太
白浮

和桂翁寄王九潭編修

玉笋仙班久虛寂松喬故戀薜溪山滄江又見
木葉下塵世獨憐秋鶴聞已向層霄瞻鵠舉况
逢晴日遶龍顏人生有才終自遇何必翠微
長掩關

送潘憲伯入蜀

欄見京華感興長菊花鴻影又離觴乍歸黔粵
如新客重入巴渝似故鄉晝日轉輝袍錦露秋
風偏稟節旄霜征途莫歎江湖遠猶有知音在
廟廊

秋日過西山

歷代詩選 明張常甫 三
聞說西山幾屬懷偶因王事入山來醪醕梵閣
傾瓶吸桔橐農家過屋堆溪水曲依深樹轉石
橋斜指翠屏開徘徊落日有餘興林壑風清月
滿臺

張都闕廷瑞盆池蓮高文許人以爲得子
之兆

忽見中庭十丈花華峰何事落三巴若耶溪上
人初到濯錦橋西月未斜露冷孤莖殮玉屑雲
扶高盞想金華雨香秋澹房房實仙種靈源更

足誇

介溪庭院菊花盛開兼有葵花一本以所
和儼山詩招賞次韻

帝城西畔秩宗家深院秋開種種花向日未同
羣卉落傲霜猶見一枝斜觴行夜色寒紅玉窻
掩幽香度碧紗珍重主翁歡賞洽愧無佳句答
芳華

送沈大理錄囚桂林

桂水元戎初獻績潞河仙使正浮槎青春伴遡

歷代詩選 卷之三
三湘月黃鳥催看五嶺花莫問貪殘狼子性最
堪矜恤遠人家東吳桑梓重經地雲錦翩躚日
未斜

送張石川銀臺致仕

幾聞清樾動吟哦暫喜冥鴻脫網羅天下名邦
吳會好秋來明月洞庭多人情自古皆如此世
路于今可若何把酒潞川空感慨未應 昭代
老巖阿

送陳錄事南歸吳

鷄鳴閣上曾論秀金馬門前又見君燕谷別筵
春對雨潞河仙舫曉衝雲風飄萬柳花如雪魚
戲三江浪蹙紋歸去故園應動色一尊喬木坐
清薰

送姑蘇馬鍊餅內翰考績之京

白鷺洲前生早京相逢忽謾是離觴煙中孤鳥
碧空盡江上片帆秋影長玉署文章應最績清
朝甲第自傳芳儒官莫歎清閑甚萬古雲霄寄
一芒

歷代詩選
十二月二十日巡視內城有作

東南洲島顛仙丘城郭臨觀得勝遊天外碧波
紅日起樹邊黃屋白雲流半江晴色開鐘阜萬
戶炊煙傍石頭極北河山瞻咫尺絳霄宮裏
玉宸旒

送張遠之歸晉陵

霄漢輝聯伯仲間強年何事遽求閒渚清沙白
片雲去木落江空孤鶴還風雨對床歡未畢
山欹帽興誰攀請看壁水台垣近飛夢應迴玉

筓斑

初夏過桃浦王宅感懷

十載京塵旅夢悠重來桃浦雪盈頭遶林風色
酬花信帶雨秧針映麥秋短閣青燈悲舊事華
筵急鼓沸新謳飛觴未盡東君意相送河橋月
滿舟

登清涼山

坐俯虛亭萬木蒼清涼山上正清涼雲間鳥道
通仙跡天際江流遶帝鄉且向佳辰陪燕賞

歷代詩選 卷之三
莫將前古話興亡臺高不用風如許落帽君看
有興狂

送嘉善朱良翰經歷之泗州衛

都城未幾接容輝忽向南天衣錦歸雲淡潞河
秋片片雨收淮海月依依濠梁坐盼知魚樂泗
水行歌縱鶴飛清世幕庭無一事甯山相對自
忘機

八月十五日舜甫弟生日聞將至京述懷
聞說西來屬望頻况逢佳節又生辰深情不憚

三千路樂事真娛九十親朋觴正洽何處月百
壺先釀小堂春鳳城明日堦簾洽攜取金莖玉
露新

甲辰春前一日同諸公登雨花臺趙鷺洲
大參留宴

東南佳麗此非常况復新晴酒滿觴煙柳萬家
春動色雨花千剎午吹香天空海嶼孤雲沒風
靜江沙匹練長愛煞鷺洲賢地主數愁無計駐
斜陽

歷代詩選 卷之三
張水南學士置酒徐氏西園招予及諸公
宴集

江郭名園幾度遊仍從仙侶賞高秋
煙巒數點夕陽外鴻鴈一聲天
盡頭斑竹林塘思帝子黃
花籬落對浮丘主人贍蓄如泉酒
試聽金絲入夜稠

登拜嶽亭

纔上高峰眼自醒雙鴻得意展秋翎
雲中下見王喬鳥樹裏平看傅說星
影浸湘江窮地碧勢

拜嶽極天青古來聞道名如舊誰向懸厓費
勒銘

秋日試太學諸生

碧山書院枕江流萬國英賢此息游
好雨乍收三伏暑高槐先送六堂秋
龍煙集處翻河漢蠶葉聲中動斗牛
漫憶昔年雲錦段天孫親贈鳳池頭

送陸東川之官親藩兼省覲

相見京華纔幾旬又看征騎逐紅塵
煙花正拂

春風細雲錦重霑雨露新瞻闕夢飛千里月上
堂歡動百年親鳳凰山外盱江碧五夜銀潢映
玉宸

正月十四日登木末亭

陰寒江左動兼旬此日晴探木末春歌遏流雲
天萬里氣凌飛鳥洒千巡星橋碧殿歡何在舞
柘傳柑事已陳風磴絕憐修竹裏夕陽禪剎更
留賓

和費鍾石送弟詩

客鄉金玉許誰群忽謾江天鴈影分夜榻不經
三月雨春船聊逐五湖雲池塘碧草重回夢瀛
海銀魚豈浪焚黃閣勲名家世物眼中棠棣更
華紛

上巳日周玉巖司寇拉遊蔣山枉詩見惠
次韻

郊行長爲簿書遲勝友壺觴已翠微夾路桃花
迷入洞傍溪鷗鳥憶臨沂松陰坐久還移席草
色春深欲染衣紅日下春湖水碧石橋齊蹋彩

歷代詩選
明張常甫
卷之三
霞歸

送陶醫士歸彭澤

忽憶先人松菊園秋空獨鶴馭雲軒昔年金谷
已無主今日柴桑猶有孫青龍白虎秘真訣黃
帝素女通靈源佳廬吾欲拾瑤草幾度問君君
不言

○ 贈梓上人

昔日相逢俱少年重來應笑我華顛倚樓蒼壁
霏霏雨覆院修篁漠漠煙銀箭銅壺催送酒
爐巖竇巧分泉山深不解風波惡伏虎降龍任
老禪

次韻寫懷

春雨蕭疎老紫荆磽田下漢自留耕林中菓熟
呼兒摘谷口人來聽鶴迎江郭好風催月上海
樓晴日看雲行關門令尹今誰是隨處青牛得
避名

丹徒旅泊懷萬氏西溪

聞說西溪景趣賒美人相引入煙霞白雲山腹

半藏竹青靄石橋深護花龕影夜堂含舍利磬
聲高閣飯胡麻大江回首今千里飛夢時時到
九沙

滕陽元夕遇雪

滕陽館前值元夕同雲四野飛瓊花火城星橋
未足數瑤臺玉宇真堪誇子房山頭赤松下項
籍城南春草賒風薄重裘顛輕葛眼中奈爾無
衣家

九日臨清舟中

何處花開獨不見秋光亦自滿江皋客心惟愛
故園好佳節不知人事勞簾外水聲迴曲浦煙
中樹色遶荒塚憑誰欲覓登臨地落日青山空
興豪

大雷山懷舊二首

十年重到大雷山依舊鶯花白晝閒細草連
春澗綠落梅時點客衣斑流塵歲月人空憶遶
徑煙霏鶴未還采遍蘭皋猶駐馬夕陽何處水
潺湲

歷代詩選
維舟郵市踏平灘纔到山中便改觀一夜雨過
鳴澗壑半空雲墮失峰巒人家有徑蒼苔滑蕭
寺無僧翠竹寒此日故人千里隔欲攀高頂望
長安

建壘禪寺逢聞美中讀書

白雲深處隱招提京國歸來暫息棲猶有餘春
催布谷更無塵事感醯雞參差翠竹連深徑依
約青山亂隔溪最喜故人能避俗夜窻選擬共
然藜

遊慈谿清道觀

將尋仙跡野江濱解纜江湖捷有神修竹墻頭
雲甃石老松門外蘚封鱗路窮危磴渾忘俗山
向深秋欲瘦人白髮洪厓終日笑爲呼玄鶴下
風塵

次王天宇東郊禪寺

絕憐佳會市城稀來看禪房竹映扉蒲徑霜華
僧獨對一天秋色鴈南歸牛山何用傷身老陶
令真能悟昨非欲向澄江問消息可無人似謝

玄暉

送學士賈先生出掌南翰

凝望仙舟興欲飛
宦途蹤跡此行稀
江東舊事推南史
天上新恩自北扉
路遶白雲春動色
夢回清禁月流輝
玉亭深處浮塵絕
吟到青山願不違

雨後訪戴秉誠親丈

南河積雨漲成江
開放輕舟過野杠
剡水風塵渾屬戴
鹿門禾黍久淹龐
過墻翠篠鳩呼獨
滿

徑蒼苔鷺下雙
別去不知天欲暝
醉看涼月倚

西廳

西山溪隱菴題壁

似與青山夙有緣
今來偏值日暄妍
攀花誤觸松梢鶴
呼茗頻供竹底泉
主意濃時休問晷
僧房幽處試聽禪
春風細拂如茵草
乘興何妨一醉眠

雨中柬張應辰

携得雙柑空遠興
黃鸝無語碧柯寒
石橋芸閣

客應臥苦雨酸風春欲闌狂飲直思江變酒豪
吟長以籜爲冠草深泥滑出門去人在比隣相
見難

約過板橋未果柬諸宗長

竹院尋僧阻舊要板橋東去路非遙塵封玉薤
心先醉露冷金莖渴未消瀛海有人秋駕石秦
樓何處夜吹簫火雲臺閣炎州地書牋窻前幾
葉蕉

和桂州九日遊邵家園之作

前輩曾開後樂園秋郊時復見仙尊短筇疎樹
葉迷徑流水夕陽花遶村復有笙簫供綺席不
勞猿鶴報華軒太平元老紆籌畫佳節還同醉
渥恩

寫懷

菴廬新構倚滄溟地域仍分織女星東去波光
兼月白北來山色度江青碧溪道士春無夢黃
鶴仙人舊有翎舟泛木蘭天不礙煙中鳧鴨水
中萍

四月江皋雨乍晴芳塘一畝鑑空明興來時復
麾談麈愁破無勞動酒兵柳外餘春鶯獨嚙花
陰遲午鶴雙鳴太平風景村村樂閒看禾苗得
意生

朝陽堂

朝陽堂外雨初晴中有仙郎作鳳鳴蒲地黃花
秋鴈影一簾涼月夜江聲青氈味合琴書古寶
篆香吹枕簟清銀燭剔殘更漏永夢魂時復到
承明

次韻答嚴介谿侍讀見懷之作

從別衡山有夢親孤懷何日向若陳秣陵城闕
新承寵甬水園廬舊食貧風雨晝驚南史筆煙
花秋老北扉身應憐琪樹青陽節生傍陰厓不
見春

晚渡湘潭陸行宿道國寺

荒塚纍纍壓坂田長江初臘淨嵐煙臨涯雪屋
明湘水薄暮風帆映楚天老竹叢中寒意劇亂
巖通處月華穿霸橋風景宜相似空坐僧房憶

賈仙

遊天竺

淡煙微雨暮蘇堤佳伴相携任馬西花竹靜看
人斷續樓臺清映樹高低兩峰春氣催黃鳥九
里松濤亂碧溪最是山僧知愛客夕陽渾欲住
招提

夏日村居

巴川日夜苦離愁乞得歸來宿願酬遍插園蔬
防舊客豫栽籬菊待清秋池亭坐愛清田鶴

牧行牽甯戚牛一著荷衣心似水臥聽京雨竹
邊樓

風搖薜蔓響高簷裝裹殘書手自籤鳳管玉樓
邀素月碧筒深樹遣朱炎東臯過雨施長屐南
畝逢秋試短鎌筮仕廿年家食半獨於山水性
非廉

寶雲禪房遣興二首

年登四十兩歸田喜有工夫伴老禪愛月西樓
簾盡捲貪京北牖榻先懸茶煙併入香爐火竹

歷代詩選 卷之三
影斜橫玉井泉長日閉門深徑底此中真與病
軀便

微薰清晝欵輕衫梵宇無聲意自緘開閣遠通
天竺國浮槎歛見補陀巖後猊座上琉璃影孔
雀經邊白玉函世路只今荆棘滿寄身方外免
鑄劓

次韻答叔父見寄之作

塵心渾覺淡於禪石鼎春茶起自煎烏帶輕雲
來灌木魚吹纖藻動幽泉于門舊德寧徒爾阮

徑清風自灑然最想連枝多秀發月中移種定
何年

出南旺湖見出

性僻就詩與未闕獨辭金馬向江關他年定醉
湘南景此地得看湖上山風際水花搖晚色夢
中煙樹遶天顏長安十載成追憶今日瞻雲
首暫還

蘭溪

雨餘新水減平沙吟倚篷窗玩物華翠草成茵

送柳色白巖如雪燦桃花雲飛鄂渚瞻親舍月
照新陽艤使艇欲問玉臺山上事道陵歸去長
春茶

○ 黃梅道中

二月黃梅開碧桃使車東下轉忘勞鄉音漸與
勾吳合山勢斜連建業高江上魚龍浮霽景煙
中鳧鴨映芳臬幾年荆楚牢籠地應愧春風列
俊髦

江南曲

青山曲曲轉江水近復遠指點叢草中此是陳
宮苑
地占織女星矯首牽牛渚長風開薄帷郎今在
何許

送王石沙侍御按閩

清薰冠蓋下金門一騎青驄萬疊雲明到閩山
正秋色玉簫吹向武夷君

次韻答東橋大司寇新營息園

花徑斜通宿雨香竹籬晴逗午雲涼博山煙盡

日西下惟見碧莎松影長

鍾石少司馬以所和桂洲苑中夜直紀事
詩見示次韻

遊魚吞墨子雲池老鶴驚翻玉露時秋盡幾盃
桑落酒月明三唱竹枝詞

東第

新構依稀綠野堂幾年辛苦累擔當憑君別作
巢松計開徑斜通五柳塘

淮角樓

歷盡湖山興未降袁宏何處倚吟纜夜深淮角
樓邊月直照東南楊子江

南旺

秋露熒熒沙渚明秋風嫋嫋波浪曾蒹葭汀邊
老漁父點火船頭初放棹

贈且翁叔

衡門瀟灑似陶家吟遍江湖兩鬢華五柳不禁
風瑟瑟盡輸秋色與黃花

東園添箇碧琅玕欲與西鄰老阮看喚取床頭

歷代詩選 明弘治
新竹葉共酣明月五更寒

送李巨川

君去豪遊誰可同
明山煙樹鑑湖風
湘江愁客如昨日
萬里蒼梧夕照中

白溪道中

十日春風迸草芽
竹根尖笋列平沙
巖巒立倚清溪瘦
上有孤梅橫數花

欲訪景文親執不果

西江望望似天涯
欲訪求羊嬾問槎
一榻午樓

清夢醒春風吹老杜鵑花

北窻高臥圖

叅餘蓮社枕孤琴
免作人間苦熱吟
不是翁家無六月
日移松影北窻陰

和周約菴詠新荷

誰家庭院鬱清香
風露九霄吹晚涼
忽憶夜舒荷畔事
雲光開曙到斜陽

金口書懷

宦情羈思水雲鄉
翹首天闌路渺茫
山鳥自鳴

花自發滿船風雨度瀟湘

過巴陵遇風雪東蘆泉劉用熙

巴陵重繫木蘭船欲訪南城辟穀仙
鳳管不知何處去滿天風雪暗蘆泉

醴陵望萍鄉感叔父

鳳凰山下醴泉清寒月依依傍楚城
東望萍鄉纔咫尺不知更鼓尚分明

石倉十二代詩選

次集卷一百十三

終

石倉十二代詩選

明次集卷一

百十四

儼山集

大明

華亭陸深著
後學曹學佺閱

擬行行重行行

悠悠日將遠思君心甚邇所嗟異居處同生不
同里別離既以苦會合諒以難逝川期東海行
雲戀故山自知去日貌難比舊時顏出門即遠
道雨雪紛浩浩潦泥緇素衣安得白日照矯首
念征人憂傷易終老



擬西北有高樓

層樓一何巍亭亭切雲霄綺疏縹緲間欄楯匝
周遭不知誰居中哀怨逐風飄爲言本邯鄲關
河望迢迢區區懷苦心三載非一朝援琴以寫
之意重絲難調初爲陽春曲再行鼓山高妙音
本絕世賞識何寥寥思爲雙黃鵠比翼與俱翱

擬孟冬寒氣至

歲盈易寒風曠野何蕭條深居戒遠趾四壁亦
飄搖陽和日已往陰沍日已驕門外遠書至啓

函知故交慰我以好音期我以明昭感茲殷勤
意千載詎能銷素心抱愚衷欲吐還自譎

贈別徐昌國二首

北風起天末送子城東闔願言遲數里欵欵得
具陳我有一端綺持以贈夫君不願爲黼黻不
願爲袴襪願爲平居服昏旦常相親垢敝忍棄
捐愛惜情如新

北風吹我襟望子不得見跂立恨足短淚落迸

如霰草樹搖寒涼二曜急流電游子在路岐襦
薄馬悲顫未明戒先驅薄暮苦後殿空谷多松
栢念此步不進

南望水澁舟不得去同行者謀就陸戲成
自慰

春江多柳花風起花還飛夕陽斂飄蕩委地相
因依行止諒有數早暮同所歸百年總行旅安
用長歎欵義和無東回安樂誠幾希眇馬泣岐
子人遠事已非飄飄山水間志願良不違朝多

清風來暮多繁星輝古稱太史公千載欽嘉徽

和趙顛菴燈花

頌君燈花篇值我燈花燦旖旎欲浮香敷披似
春半圓朶競霞呈岐枝誤星散娛翫夜三更遲
回腸九轉獻祥諒無私涼德歌有覲南郊禮將
成預兆明庭宴無藉春風吹偶見春風面影搖
畫屏斜葢墮銀燦亂君才本天妙况復論交淡
麗藻凌六朝高風駕前彥倘許望後塵鉛槧從
茲辦寒燈復作花政爾從人願

儼山精舍晚意

風蟬咽翹林江鷗泳別渚雲霞變初秋焦枯慰
時雨豈乏凌冲志蓬瀛渺何許兀坐當軒楹涼
飈蒲衣苧中爨常晏如外紛亦屢拒會心適寡
諧顧影聞獨語

雜詩

四叙若鱗次君子感變遷昨日夏熱酷今夕秋
月鮮涼飈振天末草樹失故妍玄鳥逝將返蒼
鷹厲高騫苟無陶風人何以卒歲年

二

古井春無泉槁木夏無枝仲尼歎糞土詩人詠
德基中夕起坐歎歎息將奚爲去者日以遠來
者安可期不見令名士監古乃得師

吳人以巨艦載湖石至雨中閱之

濛濛江天雨遙遙湖水船誰施巨靈斧擘此青
數拳縹緲呈夏雲嬋娟隔春煙雖乏衛公識偏
懷米生顛塞予頗好奇有癖在林泉肩輿度壑
暝孤榜逐溪緣品視剔苔蘚摩挲計雕鐫遄歸

亦乘興臥遊裁短篇

聽雨

撼撼入葦際蕭蕭自簷楹幽居忽復旦迥野薄
江城偃息從茲始塵鞅詎能嬰園田被膏潤琴
書有餘清浮生本未定毀譽等陰晴聊有盈觴
酒獨酌慰幽情

九月朔晨興

落葉紛可掃客行殊未歸大化無停運倦翼多
卑飛凌寒懷執熱撫序悲授衣物候變南北世

故有依違晦朔成代謝所嗟知者稀

贈別汪天啓同年

借問何所悲相知新別離掩袂各揮涕步步不
得辭恐墮兒女情揮酒盡一卮念我同門友高
舉振羽儀東西各有適與子願獨偕意多覺別
促情親身不違仰眎白日速嗟此道上泥久要
四海志歲年空路岐慷慨發我歌我歌當向誰
諒子重察識會面知有期

過黃憲墓

當年自無營千古如識面安用金石堅始知儀
秦賤曉行襄江濱殘月墜西堰溟濛草露晞
曩標題見相從牛醫來古意倘未變

送徐昌穀湖南纂修

取友在異世貴此肝膽通與子在鄉國筆硯亦
屢同一別歲月速那得不匆匆宵戒盈觴酒起
視夜方申追子恐弗及綢繆叙難終夾居長安
道參商各西東况茲萬里隔目斷雙飛鴻江湄
長芳草鬱紆傷我衷

雜詩

覽鏡難自持容顏豈常好秋高風露勁黃葉紛
弱草豈無長生藥馳心遠至道淨宇澄垢懷冥
觀契玄造遊迴三十年念此苦不早瑤池與玄
圃微風蕩芝草

宿佑聖觀候明發

宦業祗簿領游日曠林泉偶此山陰雪來衝竇
中煙新陽一以長天道會好還招邀復材彥探
討事幽玄初遵潛虬壑還過種玉田曲檻俯躍

鱗盤空墮飛鳶時聞林端磬幾遇雲外僊相將
願有遂所適期無前

安山道中晚棹

洋洋水波逝永欽川上懷遂將去齊魯明當度
江淮遠役謝塵鞅高居理茅齋沙田二三頃婉
變東海涯芳春景物麗夕陽襟抱佳耕讀有遺
軌長使願無乖

近田詩 并序

太宰松臯翁作近田詩以示其冢子與

俱奉以爲別號深讀其詩序窺見翁之
實學近裏若此因和一章近世有講學
者長虛驚遠賴翁此作可以一變深亦
爲之惕然蓋不獨可以傳之一家也俱
其寶之

國風驕甫田鄒孟戒捨已載歌許近田取譬同
一理系本太岳後繼世累金紫煌煌示新篇下
帶有深旨西周帝王畿累世由農起致廣本慎
微舉遠必自邇請觀阡陌間東西僅尺咫耕耘

貴及時稼穡便佐使屨杖傍門廬
餼餉出童婢收成俄頃間
焉用枉邁迤請君聽我歌
我本田家子

晨興見白髮

四十期有聞覽鏡髮改素
古人悲染絲一變不復故
神王自中恬形勞豈外慕
伊余本懦儒履浦每知懼
悟言養生篇引領遂初賦
大化運自然顏景不可駐
達人固忘我君子保末路
華落見本根相將歲寒暮

送王存約赴惠州

朱方赤日承揚舲江路長
亮無沉湘賦寧少伐木章
川原孕靈淑藻麗發景光
冲抱秉素尚令德藹餘芳
德音幸無阻一寄鱗鴻將
莫以此別懼置此冰炭腸
地理任險易天運變炎涼

吳中新刻臨川集甚佳
雙江聶文蔚持以見贈
携之舟中開帙感懷寄詩爲謝

少小有書未能讀
暮年好書讀不得
豈惟簿領少餘閒
兩眼冥蒙淚旋拭
簾前見物私自憐
霧

歷代詩選 卷之八
裏看花慣會識憶昔家住東海濱世務耕農寡
文墨勉勤誦習起家門每事收藏節衣食一從
觀國上 皇都十載具官充史職長安朋輩心
多同古典探搜事尤力荆文丞相宋熙豐國監
遺文舊常刻倚予謬司六館成手許校磨工未
卽當今楔棗稱吳中唐模宋板俱竒特是非本
定空愛憎報復何窮恣翻覆文章功業兩難朽
治亂興亡三太息蘇州太守古鄴侯貽我遠勝
黃金億樓船風雨滿章江把玩新編坐相憶

次答姚子明石屏歌

乾坤竒秀皆儲精老我山水偏多情是中猶有
愛石癖一見竒石雙眼明十年去國行八省叅
謁咨請兼逢迎晚蒙 聖恩召自蜀置之金馬
白玉京晨趨黃扉暮紫闥左圖右史心無營賜
金月俸有餘鏹買得一屏當座橫人言此屏本
無價我亦得意還若驚煙雲縹緲天台路巖壑
隱映芙蓉城瑤池東來降王母仙掌擘出煩巨
靈有時對坐一長嘯便覺毛骨隨風輕滇南蒙

段昔開國此石充貢萬里程携歸東海添秀氣
聊與平泉作後塵得君長歌更增重五色光燄
輝文衡

竹齋歌

君不見仙尉齋前數竿竹勁於龍頰嫩於玉向
晚冰霜如有情多時盤筯寧無肉一從手種春
雨餘搖動青冥散炎燠未論留汗等琬琰先須
截管諧琴筑會聞子猷傲山陰何如衛武歌淇
澳虛齋中含八面涼恍疑瀟湘秋萬斛軒窗隱

映月漸移枕簟飄蕭粉初撲堪擬封侯自千畝
正有幽人在空谷凍雷驚筍起臥龍恠石蟠根
解群鹿遶簷日日報平安一歲清風三百六齋
中本是瀟灑人歲寒之交元有神當年隨計赴
上國尚書宰相俱心親人言松栢並竒操共
愛金玉尋芳鄰燕京爭誇見彷彿黃金別築高
嶙峋劍江回首舊隱地花縣拜命新行春竭來
小試釣鰲手東海裊裊垂絲綸九苞彩鳳下覽
德千里青雲高致身仇香枳棘昔同調蔣詡徑

歷代詩選 卷之四
路今通津甃將形影照南浦若比甘棠尤逼真
我歌竹齋君試聽 天子用爾清風塵會須解
谷逢伶倫

岐陽石屏歌

岐陽之民像侯德遠致山中一片石依稀宛見
城郭面彷彿尚帶山川迹一從乘驄換五馬霧
渚煙村坐來隔摩挲三復如有情指麾從吏貽
江濱長卿多病枕書臥驚起門外高嶙峋倒屣
相迎問來使開械再拜生陽春荷侯此惠百感

集媿我家徒四壁立忽馬屋底開幕晴搖蕩虛
無翠寒濕新恩舊惠俱在眼萬壑千巖互相入
滇南大理空自珍江上數峰尤絕倫天然飛走
肖麟鳳瑟爾瑩潤同瑤珉坐當保障屹不動豈
免覩物終懷人自是侯家有餘積留待他年隔
朝席泥金孔雀映芙蓉郎君近作乘龍客胡爲
致之向儒素恐使湘靈動深惜君不見唐朝太
宗重畿甸遍題姓字留宸眷天生異質當大用
安得隨君獻入光明殿

大風

雄風括地西北來吹我狐裘薄如紙
吳兒愛熱不耐冷我亦何爲行至此
丈夫有志事四方阮籍劉伶畏生死
有人逐日走未休有鳥銜石填海水
此事無成節可壯錦帳紅爐是誰子
河山三晉古有靈前唐神堯後唐李
兩家際會未易同風虎雲龍共時起
紅塵莫漫障白日待汝終朝聊爾耳

贈別殷子

殷子有奇骨昂藏若駿馬康莊在遠道
伏櫪甘土苴長安一朝別我去再三
挽留不能住潞河新有下灘船到家
正及朱炎暮君家本在齊魯墟楓林
瑟瑟臨前除小樓畫檻蔭林樾中有
前世千卷書北窻慈母髮垂領倚門
望兒悲短景小第今年十四五弄筆
時時學馳騁上奉母顏下課第日有
餘功擬叢桂病骨偏宜秋氣涼藥囊
閒却參苓劑登高迴睇望泰山恍見
仙人時往還翩翩白鶴不可借流光
日夜凋朱顏朱顏

歷代詩選 卷之四
一往那再復惟有功名留汗竹志士偏增日暮
悲佳人易感窮途哭憶昔虛堂坐論文辭鋒往
往追先秦談詩屈指數漢魏歎息六代何無人
殷子奇氣鮮有匹人間八寶光耀日具郡徐子
吾畏友每每到君賞高逸君不見九方臯胡能
按譜求馬毛願子加餐善自愛天閑十二終當
豢爾曹

題文徵明畫

筆下塵埃一點無開圖知是賀家湖秋風九月

菰蒲畔橫着溪舟看浴鳧阿明此藝稱獨步前
身妙絕元姓顧安得置之水晶宮臥看雲煙落
毫素

東池

梅花白雪塢楊柳綠煙隄野曠春偏晚江深日
又西爲尋彭澤宰如到武陵溪茅屋人家裏時
時聞鳥啼

從丹鳳前渡江

春色臨江閣年光遍海城東風吹又轉芳草望

還生天路青雲迥鷗波白羽輕平生濟川意野
渡更分明

江上登望

江流何渺渺孤帆澹秋暉遙知三山近復送百
川歸蜃樓橫碧落龍湫臨翠微徘徊那可極返
照上人衣

端陽

畎畝驚時序端陽復早晴遙知 宣賜裏空有
侍臣名舟子漁龍渡騷人醕酒情千年渾舊俗

地接楚江城

五月七日雨中宿觀瀾亭

溽雨江天暗通宵水氣多壯心驚歲月人語隔
煙波舟楫供高枕江湖付短策浮沉聊爾爾擊
節自長歌

五月晦江上送宋義卿民部

重五期不至望六送行舟梅雨快初霽荷風如
早秋天涯俱宦轍江上倍離憂欲采幽芳贈因
過杜若洲

別朱升之

淺交多別語情極易忘言送客風生舵懷人月
到門夜長偏旅榻秋早是江村復向論心地何
年共一樽

與張山人夜渡

入夜水雲濶煙霏共渺茫遙空聞鴈陣遠火識
魚榔野渡虛舟楫寒更犯雪霜吾衰倦行役復
此戀江鄉

臘庚申雨中步出西郊視葬先兄素菴

和淚北風雨傷心西郭墳江聲空逝水山色有
浮雲未起隆中臥先修地下文池塘春又到南
鴈不堪聞

和答黃勉之

國器推豪俊鄉評熟姓名風流同偃蹇歌調獨
淒清故里層雲映長河片月生非君敦素尚老
去若爲情

和劉仲素雞鳴山

步入招提境下方秋水浮雪深枯壁定雲遶遠

歷代詩選 卷之五
江愁鐘伴黃昏去泉依白石流共僧分一榻十日不梳頭

人日過徐子容

積雪霽人日苦寒欺客襟相看一杯酒不負百年心劉向俱中秘相如獨上林共君回首地十載賦春陰

予入晉以四月二日宿權店三日過南關抵盤陀八月東巡亦以二日抵權店是晚遂宿南關三日午餉盤陀豈有定數耶

一飯盤陀驛青山是再來登臨殊不盡前時苦相催樹色庭除合秋衣篋笥開天涯俱作客去住莫驚猜

入平定州

雪擁頻回馬山寒少見人歲長不記曆風暖卽知春泉石謀生薄煙雲卽事新此中有真隱能望豈能親

登祭江亭

春深羊傅廟江湧鹿門山一上孤亭望遙空獨

鶴還浪沙明浴日苔砌暈成斑者舊登臨地高
風乍可攀

車廐驛乘潮順風北下

人生快心事風水送歸舟况復青山曲頻過碧
樹洲草深藏乳鴨波遠沒輕鷗苦愛觀風地終
慚爲國謀

上虞道中

山海無藏秀乾坤有奧區土風兼百粵習氣近
三吳潮落曹娥渡天垂賀監湖畫船牽錦纜時

後下菰蒲

春分日大風

九十日春分一半四千里路長風沙寒衣欲變
難爲客曉夢無憑數到家關塞每憐新過鴈山
城深護未開花向陽騰有閒庭院滿意東來吹
帳紗

大風

昨夜雨沙今大風美人高閣怨飛蓬柳條萬結
渾欲斷梨花一株容易空豈是宋都過退鷁亦

愁鄉信阻歸鴻江南茅屋吾所愛莫教吹捲漲
西東

出北城與嚴唯中倪本端同行

天門積雨洗炎蒸日射西山紫翠層白髮先朝
老供奉青衫騎馬向諸陵幸陪鴛侶時相並
欲挽龍髯却未能流水稻田城北路去來吾記
昔年曾

對月

庭樹扶疎月轉陰煙銷畫燭候虫吟隔簾秋色

三十三伴影離人一片心門寂紅顏頻對鏡
寒清夢尚揮金去年燕趙今吳楚指點明年意
更深

秦淮漁笛

桃花新水滿江流一棹波連白鷺洲網趁夕陽
魚在貫酒隨村店蟻初筍高懷聞弄江梅曉古
調遙翻嶰竹秋幾度曲終潮正落從人指點說
東遊

子殤後一首

小巷深深日似年柴門寂寂掩風煙一川花柳
春無賴三五嬋娟夜可憐狼籍頭顱多罨酒飄
搖風雨但高眠少年事業真堪笑囊有殘詩近
百篇

晚泊

風濤滿日月黃昏晚泊澄湖獨樹村漁艇隔溪
常宿火茅茨臨水半開門夢從五夜多逢赦人
過中年易感恩 聖主如天司節候陽和須向
歲寒論

丹陽孫思和東遊每當山水勝處輒繪爲
圖冬夕過儼山示我光福一段賦此

看君畫裏汎扁舟今夕披圖數勝遊水面青峰
七十二山腰黃橘幾千頭帆開遠影江湖濶天
接中央日月浮試問虎溪橋外水爲誰煙浪下
蘇州

次韻白鴈

來從星漢下瀟湘粧點楓林入醉鄉錦字傳情
通萬里銀箏移柱送斜行溶溶月色憐孤影渺

歷代詩選 卷之四
渺歸心滯晚霜堪歎揚雄頭盡白惟將羽獵奏
君王

和答胡汝載

瓊林珠閣不勝寒
慚負時趨白玉闌
獨抱琴書
就寂寞誰從花竹問
平安沈腰已瘦頻
移帶潘鬢新
添欲滿冠相對長安同
作客
檝詩特地勸加餐

慈化早起喜晴遂發

兩宿僧房病後身
高情聊與白雲親
青山似畫

情少紅日如輪
世路新吳楚地連
多客戶
湘天遠有騷人南
中歲晚饒風雨
愛聽鐘聲報四鄰

別李時元下第

吳山蒼蒼共燈火
潞河悠悠卽去途
乍可後期還磊落
那因遠適悲江湖
晴風浪搖四月麥
宿雨帆輕十幅蒲
南國詩成須早寄
風塵清夢客樓孤

和易欽之宿廣恩寺

春日忻逢水西寺入門無數香煙疑鄉園千里
遠作客塵土十年終愧僧風光每向閒邊見山
色試憑高處登未問西來栢子樹可憐清沼玉
壺冰

視牲

向晚郊壇第幾巡願儲精意奉明禋去來路熟
渾忘遠西北山多欲礙春終見牛羊歌帝右未
因麤鼠變齋晨東風又遍天街草御輦須憐
碧玉茵

食菱

曲曲菱歌江上秋畫船歸近望江樓北來物色
渾如玉南望鄉關第幾州風味疑從仙掌墜水
芳曾傍錦雲浮歲寒獨在佳人惠消得相如一
片愁

初試羊毳予有一端藏笥中者十年茲教
內館始製爲衣以禦北風感而有作

蕭颯頭顱感是非半生何敢愛輕肥相將歲晚
看新製指點年華亦故衣北郭嚴凝隨瘦馬西

州辛苦到殘機病來却恐渾憔悴且試休文舊
帶圍

和宮端後渠玉亭賞蓮之作

玉亭清切五雲邊盆沼誰移玉井蓮來賞正逢
初過雨倚看須著半含煙何妨絕代稱君子非
擬前身是水僊四十年來同榜客一尊相屬醉
花前

遊儲芋西園池乘月夜汎

峰巒巖壑俯中流何處三山與十洲新雨不妨

泥滑滑好風先送水悠悠鷗無機事迎人下客
有高懷盡日留向晚星河迷上下笙歌燈火木
蘭舟

歲暮風雨中發藏書示楫子

歲寒風雨合江樓燈火樓頭數夕留新命謀
蒙吾已老舊書多在子須收星辰萬里趨關塞
環珮三朝侍冕旒抱得寸心終許國未應猿
鶴怨林丘

三日雨後登儼然亭

歷代詩選 明陸文裕
蕭蕭竹樹夾溪深一雨初晴長綠陰真意倘違
空老大野芳雖少亦山林好風似舊穿高榻流
水如知繞素琴東去大江知到海爲誰煙浪送
歸心

雨中宴莊氏東園留題山亭

洞中山石俯波光窗外林花薦野芳况有管絃
相映發儘教風雨佐清狂虛疑四老煙霞地正
是三江雲水鄉我欲卜鄰酬望想自應傳社草
篇章

秋日無聊偶然作

問余何事每悽然尺壁光陰閱歲年舊讀書今
存蠹穴新縫貂已剩鶉懸常餘孤枕還鄉夢頻
乞東家買藥錢自信英雄須到骨業身隨處了
塵緣

贈別尤宗陽還吳門

臨岐莫恠恨暗暗投贈天涯紙半函澤國鄉音
三邨北江湖夜雨一燈南浮蹤去住僧留偈世
味寒溫佛飽叅歸去若逢人問訊文章何用學

春蠶

喬白巖太宰家山留題在邇亭

晉陽文物上卿家小作江山殿歲華望到白巖
明玉雪繇來綠野鎖煙霞雲窗覆奕傳仙譜石
室藏書帶相麻同是登臨還在邇遠尋何用訪
丹砂

書院池亭忽有玄鶴下集因養于庭

橫空一鶴下危闌隱隱丹砂變羽翰疑是歸鴻
須繫帛休將野鳥誤稱鸞青田到後雲天遠北

海從來歲月寬飲啄漸馴宜試舞客衣偏感化
長安

東阿道中對雪

天爲山行借雪看路隨天遠更漫漫詩成驢背
偏如意病後狐裘少耐寒授簡有才懷帝子折
梅無使寄長安惟餘一片郊原興白馬翩翩拂
未乾

送胡汝載丞武昌

詩律從來徹骨清哦松端不負茲行星辰南斗

歷代詩選 明 陸文 三
占郎位江漢西來抱縣城鸚鵡洲邊芳草合鳳
凰臺上遠山晴春明門外衝寒別欲折梅花重
有情

蕭海鈞文明先生挽詩

朝野名傳翰墨餘白頭空有讀殘書南方秋早
逢搖落四海人多問起居塞下當年曾失馬鈞
絲終歲竟忘魚八哀此日還成賦慚愧先生識
面疎

連日遲李獻吉不至作

幾日都門長者車風塵不見正愁予只今對面
還千里何處相思有尺書秋色天涯催暮山
光樓外爲誰舒空歌杖杜回長嘯終愧緇衣歎
索居

送何文徵赴開州

江東文藻竟誰如新綰銅章左佩魚天上風雲
元咫尺兵前草木正蕭疎煙樓夜遶三刀夢露
冕春行五馬車便欲修成循吏傳卽看名滿薦
賢書

宿常山集真觀

病懷自愛尋山憇
面面芙蓉映遠峰
向晚樓臺棲宿霧
報晴鐘鼓動秋風
千重地脉閩關北
八月星槎浙水東
懷國望鄉俱不極
一龕燈火翠微中

遊武夷

清遊妙得此山中
一度來過一不同
泉石煙霞時上下
陰陽昏曉自西東
溪流九曲層層去
雲鎖千峰面面通
向晚天風墮僊樂
月明知是武夷宮

武夷宮

次韻答萬石梁大叅

得陪騶從出城遊
况愛煙嵐向晚收
揚子何心能頌莽
仲宣無計且依劉
林間鳥並鵲聲急
雲裏江分燕尾流
酒量近來因病減
令人苦憶醉鄉侯

病後閉關

萬里橋邊萬里身
西風撼撼鬢毛新
天應憐我長爲客
事到求名始累人
蒲院蒼苔行省宅
一

歷代詩選 明四子集
川黃葉大江濱少陵老去多秋興且傍雲山結
四鄰

送皇甫子循謫黃州推官

雪堂舊路君重到赤壁文章五百年一向東曹
分郡檄却從南斗望台躔流塵遠道征袍上宿
雨清秋客鬢前明發大江過夏口中流應有濟
川船

劉都閫以紅花本見貽

才賞名花當送春移根西向伴吟身爲誰池

能憐舊到手風光又斬新謝令空題紅芍藥杜
陵偏感白頭人公庭事簡餘芳草留取青枝襯
綠茵

自睢陽入梁有懷何鴈峰憲副

雲間遂作三秋別濠上相爲一宿淹人世百年
悲苦共客程千里雨晴兼棠陰鶴乳思方去玉
節金符令更嚴後夜梁園回首望鼓城山月水
晶簾

午後微雨明早發申江新漲壞橋拿舟而

歷代詩選 卷之四
渡始知四郊得雨甚渥

泉聲曲曲度江心知是前山雨化霖巫峽風煙
天漠漠巴渝歌舞曉陰陰春回罷極連村合涼
沁芭蕉到骨深 聖主中興多法古宣王雲漢
有遺音

十二日復得雨大是七疊

浪博虛名媿此心真成三日雨爲霖溪聲一夜
喧新漲雲氣千峰結晚陰喜極翻嫌歌管脆病
餘渾怯酒杯深窻前最愛芭蕉響疑有人博

古音

十一月二十日次太年驛見梅花和謝翕

憲邦正壁間韻

山雲黯黯復冥冥釀雪爲霖總未成忽見梅花
如着意卽看詩草可憐生月來粉堞渾無影風
度黃昏似有聲况與歲寒期更早玉人消息最
分明

潞河候水次張石川韻

心同野鶴志高飛學得屠龍與願違魂夢九天

雙鳳闕江湖蒲地一漁磯安身已辦烏皮几稱
體新裁白苧衣賴有河邊同載客不應林下見
猶稀

青羊宮餞顧願齋卽事

青羊翠栢白雲阿又是春風一度過宿霧欲收
初露冕餘寒猶在薄侵羅行邊巷陌流塵遠物
外樓臺勝事多無數鄉心山水隔酒闌重與聽
驪歌

西巖詩

我愛西巖好風光足大觀微茫分太液咫尺是
長安

過宋玉墓

楚國餘文藻當春邁故丘爲君悲不已安敢向
高秋

方春野挽詞

春野依然在春風依舊來去年巢裏燕不見主
人回

書扇寄李百朋

歷代詩選 明四子補
錦浪生春水茅亭盡日孤十年身不病天遠共
江湖

漫興

水郭江村不受塵惟將石竹伴閒身玲瓏漏月
看雲骨瀟灑含風對玉人

登樓

掉臂歸來萬里身倚闌無數物華新細尋往事
知多少我是明年五十人

題畫

溪山疊疊雪初寒江水悠悠一釣竿着得年
竟何益簑衣和月下前灘

題陸封君怡梅卷

我家於鶴坡頭樹種近西湖處士居獨板橋邊
山十里杖藜來探雪晴初

爲方思道題畫眉折柳

中山紫翠護層層合起高樓對雨凭愛汝一雙
花底鳥爲春啼殺海棠陵

任城題楊閭直夫泉香書屋

水紋花氣闔精神疑是成都賣卜人傳得一區
揚子宅萊菔間洗雨中春

馬嵬

秦關山勢拂雲來才過驪山又馬嵬今日豈知
當日事澗花含笑爲誰開

寄南莊

相看無限故園情獨倚西樓向晚晴秋水一奩
天上下荻花楓葉隔江城

題悅茶卷

水竹交居事事宜更將春思鬪槍旗分符調得
中冷到未放鬆陰鶴夢遲

題馬麟畫蘭

秋風九畹正離離畫裏相看一兩枝欲寄所思
無奈遠開枯湘管對題詩

壽楊察院次壁間韻二首

無心隨處夢魂安古栢臺深五月寒自笑青山
老居士松牕閒殺舊蒲團

疎慵聊與拙相安華髮蕭蕭鏡裏寒門掩萬山

深院靜古槐成蓋綠陰團

陸

楫

字思豫文裕之子
有蒹葭堂集

送朱象岡北上用唐雲山韻

奚子青雲士携書志遠遊
望迷吳苑樹愁共楚江流
舞劍催尊酒啼鶯送客舟
秋風知得意未許伴沙鷗

庚戌端陽日約馮江樓不至

昨夜天涯客今宵江上臺
林鶯背花語蒲酒待君開
蕉葉誰題句松根自掃苔
日斜期不到薜

首獨徘徊

寄戴鳳梧

馬策燕臺路帆分易水秋
煙霜悲鼓瑟塵土愧征裘
故國多衰草寒江有釣舟
山陰風雪夜此興爲君翻

北上留別朱岱輿

龍江春水漲晴沙芳草王孫又別家
鄉國傷心兼日暮故人分手卽天涯
我無寶劍冲寒斗君有文章綉彩霞
他日長安倘聯轡與君同看上

歷代詩選
明陸思齊
林花

七夕和孫明府

海外層城傍斗牛
嫦娥宮闕夜偏幽
忽驚鶴馭來蓬島
疑有鸞笙度玉樓
天上佳期惟此夕
江南清景最宜秋
天孫何事傷離別
淚滴長河不盡頭

送潘竹菴歸海門兼問鷺汀鹿汀鶴汀崔

氏三兄

城隅立馬暫躊躇
日暮留君欲引裾
風滿鸞軌

催客權花飛鳧渚
亂儵魚千行綠樹
人何處
兩岫青山畫不如
爲問三汀崔
伯仲年來讀盡五車書

送文仰古少尹陞王府紀室

少尹新遷近
帝畿攀轅此日共
依依農多百穀滋
春雨院有幾松戀
夕暉洛社高風千古振
留都賢相至今傳
漢家惟有河間在
老去文章尚不遒

送沈瞻嶽上太學

歷代詩選
明
絲絲江柳別情牽送爾西遊更渺然魏闕曉雲
瞻王氣園橋春水弄晴煙百王盛典尊文廟六
館羣英聚講筵最羨沈郎詞藻富揮毫先草
帝京篇

題遠峰卷

草堂虛敞對羣山日日鈞簾意獨閒度海亂雲
封畫戟洗天涼雨濕青鬟秋高古樹微茫裏日
暮層巒縹緲間自是謝公多逸興每携僧屐恣
躋攀

寄李雲塘

樽酒論文意獨傾廿年誰改歲寒盟傳經有道
稱方叔獻賦無緣愧士衡湖渚春深羣乳燕江
園花老送流鶯臨風好寄相思曲倚遍闌干月
正明

丁未春日黃玉淙節推登山樓有作因和
經遊秋日最清嘉 天使同臨隔歲華宿雨弄
晴藏石燕早春迎客對山花苔粘短屐穿林外
樹隱停驂傍水涯阜蓋莫嫌歸去晚一林殘照

歷代詩選
明陸思豫
興還賒

又

江口樓臺霽色賒東風簾幙護韶華
慚無醉客葡萄酒喜有隔林桃杏花
野鳥嬌歌聞竹裏使君甘雨遍天涯
爭誇王勃多詞藻賦罷憑闌送落霞

次韻送顧龍山南歸

官河春水送行舟君去匆匆不可留
須信故園春正好莫因風雨駐揚州

初夏山居小集

薰風池館覆重陰傳得琵琶到客心
更喜餘香吹不盡斜陽樹底酒杯深

送唐晉泉遊金陵

山川佳麗帝王州相送憐君幾度遊
他夜月中吹玉管有人遙憶鳳凰樓

送古谿家兄遊太和

吳江月色一天白楚峽柳條千樹青
扁舟南望不可極渺渺平原飛鶴鶩

書怡靜卷

小構茆齋水郭西蒼苔白石愛幽棲日長自掃
蒲團坐厭聽春風亂鳥啼

師學性
尚青家
藏書齋

高
甫



國家圖書館, NATIONAL CENTRAL LIBRARY, TAIWAN, R.O.C.

石倉十二代詩選

明次集卷一百十五

鈐山堂集

大明

分宜嚴 嵩著
後學曹學詮閱

雪霽登鈐山

千峰積瑤素寰宇映空明
仙人好赤脚獨躡層
氷行疊石疑瓊島高樓思玉京
勁風仍振木朗
月已輝城永夜山中宿
山泉松澗鳴

山塘

山塘深且廣
遷迤抱山麓
隔浦見人家
依依桑

歷代詩選

月後下

次集卷百十五

一

憲



歷代詩選 明倫彙編
松綠日落煙水寒遠塘飛屬玉

仰天岡

石磴盤秋蘿危亭出峰樹行人上山道望望雲
飛處洞口晚鐘聲林僧獨歸去

鴈洲宿

山登極嶺岿野適忽夷曠清澗屢寒涉綠疇彌
晚望冰亭荷芰開園屋雲松傍應憐鴈洲宿絕
勝剡溪訪

迴鑾詩

長楊騎火紅漢帝夜還宮觀兵誇出塞獻捷賀
平戎旌竿颯飛雪鏡吹喧高空百琛陳闕下八
駿遊寰中千歲昇平樂權譙曲難終

如松江訪陸太史先申寄贈

蘇嘶雨聲急松門煙浪深沿洄趣易愜懷望思
難任雲物申夏賞湖天孤嶼唵曖曖沙中樹悠
悠渡上禽臨溪聽黃鳥拂石理瑤琴總多山水
興兼慟別離心

待曙樓

歷代詩選

明倫彙編

次集卷三十三

二

聞鐘起振衣展席坐東扉松巖微月墮花林芳
露晞悟澹境方寂遣俗慮應稀稍稍晨光集衆
禽川上飛

答用修見贈

鷄鶩爭稻梁鳳凰食琅玕感惻念物理沉冥結
憂端俛仰宇宙間知己良獨難我友在遠方欲
往從遊盤岷江阻奔洶劍嶺間噴峽緬懷九苞
質詎接雙飛翰睽離經歲改栖息喟形單劇苓
春雨暮采菊秋露溥明后應天曆衆賢集衣冠
奄忽千里至執手平生歡濯纓升博望蹕轡遊
長安愧比蕭艾姿芳馨託幽蘭幸容竿跡濫莫
遣膠盟寒晤言期誰與懷抱爲君殫

贈友

北風吹層波高帆疾於馬矯首望雲山日夕到
鄉舍親友慰遠歸春杯正堪把故園多所歡薄
宦何爲者

觀音巖同浚川王司馬作

久懷名山遊登賞春已暮言尋紫芝約頗適滄

洲趣巉巉石抱城泯泯江流霧憇礪挹飛泉攀
蘿蔭芳樹臨川足魚鳥攬澤多蘅茝興發揮綠
觴浩歌誰與晤弱水隔煙濤蓬瀛渺天路豈無
乘鶴僊雲中自來去人世多囂塵流光草間露
嘉會良足怡轉盼已成故何當巢雲松脫跡葆
貞素

臯林媚晴春宛若綺繡錯岷江滙洪波九派悉
輪約互疊萬古磯懸崖出飛閣崖中白衣士跌
坐澹虛泊祗苑遺俗氛巖花自開落俯窺羣

杳仰視天宇濶昔賢已登臨異代不可作
謁來奉佳遊轉使吏情薄欲釣任公鰲還夢坡仙鶴
青山何寥寥白石亦鑿鑿寄謝同心侶且永今
夕樂

和顧中丞出息東郊西舍

息駕追夙遊藝疇戒春作縑繭已眠蠶探殼忽
成鵲林英紛委地奈此風雨惡芊綿原隰引聯
絡溝塍錯疊石群岫移誅茅數椽縛寧希金懸
肘賴有田負郭燦燦霞冠岑涓涓泉赴壑雉雉

當坐隅嗥犬出叢薄牀橫元亮琴架貯韓康藥
雅志璞仍懷浮榮屣應脫豈異子雲居草玄甘
寂寞

觀音山作

晨霽煙景豁平流淨如掌魚鳥遂飛潛舟艦相
下上具美信難期朋宴娛春賞何當風雨冥來
閱驚濤壯

陽峰詩爲大學士張公賦

岷江浩東注噴薄萬派盈孤巘俯江際芙蓉如

削成綺麗地靈結岩堯天柱擎雲物互吞吐島
嶼相迴縈伊人秉幽尚興與山水并結屋面其
勝林巷有餘清波光動遠浦秀色來前楹一朝
邁休運應卜登承明介節立萬仞陽德敷烝民
扶輿發清淑川阜儲精英申甫本嶽降傳說起
巖耕茲山在遐服四海稱佳名

松臯書屋詩爲少保許公賦

嵩洛絕名勝巘嶠分接連中有萬松樹蒼蒼入
雲煙樛枝鸞鶴舞偃蓋蛟龍竊上宰契高致結

屋長林邊聽濤過絕澗撫翠倚層巔直節聳千
仞美蔭覆八埏時卉豈不榮愛此晚節堅且聞
啖脂術皓若崆峒僊風霜旣多歷雨露矧乃偏
幽真媿令德因之謔永年

賦得鷺子磯送華兵部南行

遙川滙洪流疊嶂疑黛色巉鑿萬古磯嵌空置
禪室恍若臨普陀大士坐趺膝香煙出杳靄鐘
鼓迤晨夕座裏紛雲嵐盃前見帆席我昔捫松
蘿留詩在巖石別來踰十年俛仰歎陳跡蒼蒼

欵苔屏題書寄相憶

予少孤多病恒有憂生之嗟今年四十矣

日月于邁祿不逮養學未有聞使經衡

山適邁初度矢痛申情爰成茲詠

飭駕辭桂嶺弭棹越江湖我行幾何時已涉萬
里疆萬里豈漫遊王命肅所將咨詢徧原隰登
眺窮崖岡聞昔太史公足跡好瓌竒東遊探禹
穴南浮踰九疑山川激壯氣一以昌文章赧予
誠薄陋懷古意慨慷男子始生朝弧矢懸門堂

春言四方志豈必懷故鄉
睠彼孤黃鵠矯翮雲
天翔啾啾茅簷下燕雀空榆枋

夜讌歌

琉璃清蕙肴盈錦燈瑤席張
四楹華歌妙舞百
伎呈夜行遊兮悅明星奉君
玉觴前致誠上天
垂休惠我 明黃河之水今
再澄天鷄鳴海鳥
升願君舉觴且留情樂哉時
平方太平

具備畫

郭熙之死誰復同湖湘小仙
今代雄橫將健筆
寫縑素江山平遠稱尤工
洞庭瀟湘綠何許積
水長天迷處所沙邊老樹總
呼風波上輕雲初
散雨短棹扁舟競往還垂綸
老翁意愈閑晴窗
展玩心眼亂興在滄浪千里
間

李學士薇園秋霽圖題贈

玉堂仙人入直還盡日閒園
惟閉關展席平臨
堦下樹開簾遙對几前山紫
薇陰深日卓午石
榻微涼過鳴雨礪道聲飛泉
瀑寒雲根色颯莓
苔古僊人步屨出幽林長嘯
時聞鸞鶴音手揮

歷代詩選 日星分注
綠筆吟芳杜目翫飛鴻彈素琴琴書偃傲有餘
清竹窻今夜月華明誰言西掖絲綸貴更有東
山蘿薜情

漁父

滄洲漁父人不識日暮移舟煙水寂沙頭野飯
暫維梢蓬裏天涼自吹笛笛聲嘹亮度江門荻
花楓葉滿秋村溪邊雲月長相待世上功名安
足論

全州古松歌

全州古松大道邊白晝暝色行蒼煙谿迴路轉
不知數直至興安陰接連蛟龍拏空勢欲舞往
徃呼號作風雨大枝曲鐵小枝盤偃蹇突怒如
相杵時復一株樨樵斧槎牙無枝形獨古誰栽
此松經幾禩國初太守名猶記勝蹟曾留學士
題繁陰長與行人憇松風泠泠山寂寥松月皎
皎明清宵遙想山中風月下定有鶴僊吹玉簫
長至祁陽縣行禮時 車駕北征
使節祁陽逢至日懸庭班列觀天光卽看暖入

歷代詩選 田履
深宮線正想風飄合殿香塞馬力應疲雨雪江
鴻書不到衡湘寒雲落木催愁劇魏闕滄洲引
聊長

聶君持梅雪卷請題走筆贈之

鷺沙尺書何日傳聶君近泊金陵船到門覽刺
亟出迓丰度雅樸神條然書云此君樂幽尚十
年寄跡江湖邊平生愛梅有真癖梅雪自號爭
清妍瓊姿綽約種萬本茅屋正在春風前芒屨
緩步石逕月拄杖獨徃青林煙有時臨流發孤

嘯風致髮髯疑避僊只宜跨驢學肩聳那復騎
鶴思腰纏青蚨油酒與之醉散髮岸幘歌青玉
吁嗟聶君亦不俗揮毫贈爾梅花篇

仰山置酒

春遊入古寺息駕在山阿不飲盃中物其如山
色何泉聲間鐘磬草色上煙蘿向夕嵐霏起諸
峰猿嘯多

泛舟

泛舟無俗情水送復山迎江色迷朝靄松陰轉

歷代詩選 卷之九
午晴穩依危石纜深傍綠蕪行吾已忘機事沙
鷗莫漫驚

東溪晴泛

鐘峽出秀浦碧潭無限清日浮江色動舟蹴浪
花輕盤石思垂釣滄浪愛濯纓沿洄意未極川
暝月華明

郊行

沙路平如掌郊行吟望賒山圍四野碧溪抱一
村斜松徑入僧寺草屋見漁家春風幾日到

園桃李花

夏日江亭贈客

江喧過雨時綠樹搖南颺歸客乘流下扁舟向
我辭臺臨春望迥山遶旅行遲無限靡蕪草因
君寄所思

拜陵廟作

六帝神遊迥諸陵御氣濃泉飛千尺瀑枝偃萬
年松一自僊城閉徒看雲壑重遺弓小臣抱悵
望鼎湖龍

謁泰陵

先朝趨禁陛今日上陵臺詎識龍驂遠猶疑寶
扇迴雨垂蒼栢淚風動碧山哀千歲岐周下空
傳鳳鳥來

下陵作

歸驂悵何適遲回陵路東還循白石逕遙下
微宮冉冉開松霧飄飄墮澗風今宵有佳興
月萬山中

金山

寺擁金山古江流碧海深千年此形勝詞客幾
登臨波浪浮香閣魚龍聽梵音晨風渡舟楫真
有濟川心

少傅靳公歸丹徒

黃閣絲綸貴東山水石情留侯終謝病疏傳早
辭榮江寺移舟近城居種竹清揮金會隣曲舉
酒話昇平

崔子謝病還鄴懷寄

相送出郊寺獨歸愁郭門春塵涉遠道朝雨戀

歷代詩選 卷之八
芳樽幽夢時或到素心誰共論若爲經濟略歸
臥水雲村

徐侍讀別後寄贈

行輶望已遠悠悠那復親微霜映郊樹斜日暗
京塵身病嗟行役情真念吐申惟應梅驛使頻
寄薛園春

昔約去同載君去我留仍寧知赤驥尾不得附
蒼蠅對酒歎宵月買棹怯寒水忽枉河洲翰離
思渺然增

張侍御謫判晉州

舊日理輪使中朝仰姓名忽聞遷客詔獨問晉
州程暮雨留看劍長河對濯纓浮榮是何物且
憐病身輕

登平虛山殿在承明殿之南巖洞甚奇

臺殿鬱岩堯登臨近九霄曙霞籠闕迥殘月帶
城遙翔鳳金爲闕飛虹玉作橋乘輿罷遊幸花
色爲誰饒

雨夕作

歷代詩選
秋氣總成悲那堪積雨時客衣新授褐林葉故
辭枝關塞書難問風波鬢易絲停舟問夕鴈渺
渺向南馳

過彭城

十月彭城水臨觀勢渺漫客帆牽樹杪日夕畏
風湍汴泗流爭長魚龍臥未安無人守茅屋寂
寞傍江干

夕次醴陵

晨裝去萍邑夕駕愁長沙湖江通兩鎮井里帶

千家楓岬霜鳴葉蘆洲月映花卽看臨桂水還
喜泛星槎

下祝融宿南臺寺

山殿隱岩堯禪燈照寂寥亂峰臨宿靄古木認
前朝桃水忽相失浮丘還見招欲誇松頂鶴吹
笛遡丹霄

早霽與計使君泛湘江遂登望嶽亭

倚棹江天豁移尊草閣幽到牕分嶽翠當檻寫
烝流春至花經眼秋深月滿樓使君時對客詩

興遶滄洲

過雙龍寺

入谷嵐霏重開門松寺深灘流萬木罅蘿擁衆
峰陰溪鷺仍寒浴潭龍或夜吟楚地多風雨春
山不可尋

盧溝橋

逝波與行客汨汨無時休
貌蟠明積雪虹飲巨
長流曉月迷征騎
春沙壓敝裘
經過道傍寺
思且淹留

贈邊太常黎銀臺北 覲

莽莽龍河雪雙帆幾日開
亦知從此別已是隔
年圓珂馬春城並衣冠
曉仗催驛亭梅柳色來
往送行盃

勝泉寺宿

送行各已返獨宿在招提
鐘漏臨城迴星河隔
樹低方欣市喧寂轉覺客
懷悽因歎勞勞者深
慙蘿薜棲

題宮保孫公宜晚亭

蘇東坡詩選

明報下

次集卷一百五

十四

翠屏無限好歷歷近青冥落景閒宜對高歌醉
白聽浦帆依鳥盡巖柱向人青黃綺疑公是終
朝輔漢庭

謁 孝陵

社稷戎衣起梯航玉帛朝觀河功戴禹瞻廟祀
宗堯石馬嘶空翠金鐙照寂寥遙看鐘阜上御
氣滿層霄

靈谷寺

三宮青嶂合松門石迳重窈然深谷內疑與秦

人逢澗底藏餘雪窻中列秀峰寂寞支公宅惟
聞朝暮鐘

歲初視篆呈潘公寅長

滌篆池水暖開堂雪樹青春光動八極休氣協
三靈北闕垂恩露南宮聚德星同志欣察案摠
忠報 帝庭

晚次溇縣值雨是日聞 車駕還京

松暝雨瀟瀟公庭坐寂寥城荒民戶少沙曠旅
程遙渠喜通泉溜畦憐潤麥苗夜聞鑿輅返蒐

夢繞丹青

通州城北通惠河登舟而賦河近歲濬治
舟達漕粟以免陸運之勞自此至京四
十里也

昔上鞚飛塏今來航素波中流牽錦纜臨泛興
如何柁轉郡樓失蓬開山翠多宛似吳堤上垂
楊拂櫂歌

攝事西陵行次舊功德寺作

蘋際冷風起颯然湖上秋遠波明島嶼層霧隱
林丘鳥下溪田熟鐘鳴谷寺幽馳驅念于役心
賞若爲酬

曉入天壽山馬上作

黃覆依闕殿青連夾路松憑高一駐馬望氣欲
成龍信與人境隔惟看雲壑重昨宵雷雨足飛
瀑灌千峰

入白苦朱陂

岍岍溪流急山山篁竹多盤迴遵石徑迤邐度
松坡深嶺皆宜木高田亦種禾喚鳩梅雨暗飛

燕麥天和池上晴
蛙語村防夜虎過
稍看民樂土還苦
吏催科世事關
愉戚生涯學醉歌
清溪足魴鯉吾欲
買漁簑

題李學士畫

杏閣依青嶂
蘿軒俯綠疇
路迷僊子宅
花暗羽人丘
水訝伊瀍澗
山疑鄆杜幽
傍畦交雜樹
懸石下飛流
谷曉催禽哢
郊晴喚客遊
誰言屠玉署
長此對滄洲

賜衣

宮衣錦段新
宣賜徧臣鄰
繡紋盤虎豹
金彩織麒麟
詔向龍沙遠
頒從玉陛均
拜登齊闕謝
愧省獨墻循
士節論辭受
君恩愛笑頰
禮看超等級
勞豈効涓塵
荷德乾坤大
糜財府庫貧
先朝題歲月
諸道貢奇珍
貂座儀章濫
鷓梁諷諭陳
縉紳皆用武
輦輅尚留巡
暗憶垂裳治
虛慚挾纊仁
日占青海使
寒望翠華春
未厭干戈役
私嗟章甫身

○過長陂

歷代詩選 卷之五
長陂鳥鳴初日暄遊子度嶺窮攀援行尋歇馬
訪新廟望近蟠龍識古村春深尚喜林花盛雨
後忽驚溪水渾野老相邀具鷄黍解鞍時復過
柴門

○ 鍾山遊眺

可憐春岫飛鷗鳥又見春山長薜蘿峰勢挿江
谿路少峽門橫瀨水聲多蘋洲看雨維舟坐松
嶠穿雲躡屐過見說此溪多釣伴月明來聽扣
舷歌

觀雨作

東峰雨色遶前溪野樹江船望欲迷卷幔忽驚
山霧入近村長聽水禽啼清憐松菊長茅屋深
愛滿流滿稻畦故人門巷隔車轍多病青尊不
可携

○ 奉酬空同先生垂訪見諭

病來渾與故人疎珍重能勞長者車地僻柴門
堪繫馬家貧蕉葉可供書鶯花對酒三春暮風
雅聞音百代餘長願飲河心自足却愁和郢曲

歷代詩選 明倫彙編
難如

○酬別張侍御

春風曾駐木蘭舟使節真看萬里遊攬轡霜威
清瘴海停盃詩興滿滄洲天寒江縣城空閉秋
旱山田穀未收多病有懷談莫盡送君分手重
淹留

早春郊園寄友

東郊柳色遠依依忽憶佳人閉竹扉剡屐雪深
回夜棹杜陵花發典春衣閒思步屨尋芳草醉

更携壺上翠微不是賞心緣節物頻年離索故
交稀

除夕和石潭學士時 車駕狩于榆林

更燒殘燭坐虛筵起視明星在遠天客夜盃盤
隨俗舉城春花柳向誰妍愁心暗逐堦萸老芳
訊頻經隴月圓身事流年那可道箕山終愧古
人賢

符子冬暮發京南邁予日思之恨不能從

也作此訊寄

北風日日河水壯愁病思君萬里行江上歸帆
何日到天涯旅夢幾回成青春自改浮雲色幽
谷虛傳好鳥聲逋客總貽猿鶴笑故山空繫薜
蘿情

送進士陳則英歸覲

長安闕下送離觴才子寧親赴北堂已喜登科
同片玉曾看作賦比長楊歸帆夜度岡川月舞
袖春携漢殿香暫到故園非久別雲霄計日待
鶴行

奉同溫宮諭移疾寺居之作

九衢車馬暗塵氛僊客西堂臥白雲靜愛市朝
堪吏隱勝將泉石與僧分澄心夜對蓮花水秘
典朝披貝葉文獨有可人期不至素琴蘿逕立
斜曛

寺置酒

朱幡翠幌在蘭舟絳水澄潭寫我憂雲破樓臺
明曉日筵開簫鼓競春流煙中榭逕藏山寺蘋
際菱歌起釣舟古木蘇堤頗悵望看君爲政繼

歷代詩選
前修

集壽僧房錢少司成汪先生之南京和席

問韻

君去扁舟碧水陰
古蘭幽菴藹芳襟
移榻野鷗陪宴坐
開尊江月照離心
春鶯自解遷喬木
海鶴誰應別故岑
悵憶先朝供奉日
西清鐘漏隔花深

行經長沙江寄易太史

酌酒看花興每濃
十年林臥阻遊從
常參玉署

歸難並遠使滄江
去未逢世事總知榮
木槿愁心空惜老
雲松湘園門巷雲
陽麗日對秋屏翠
幾重

登嶽憇半山亭

孤亭翠嶺上層雲
煙靄微茫曙欲分
仙家鳥道迥莫到
石壁猿聲清忽聞
幽泉樹杪飛殘滴
瑤草巖中吐異芬
看拂丹青朱鳥近
焚香先禮祝融君

南臺寺同常甫兄宿是夕聞欽之兄自攸

縣來會

香閣珠林倚半天兩人相對嶽峰眠
羗村秉燭翻疑夢緱嶺乘鸞似下僊
雲伴瘦筇過絕壁風傳清嘯隔蒼煙
攸江亦有山陰興莫更虛迴半夜船

尋愚溪謁柳子廟

柳侯祠堂溪水上溪樹荒煙非昔時
世遠居民無冉姓蹟竒泉石有愚詩
城春湘岫雜花木洲晚漁歌清竹枝
才子古來多謫宦長沙猶寫

生辭

山棗驛夜坐

沂嶺路岐仍渺渺拍林風雨更朝朝
清溪傍竹聽蕭瑟小驛焚燈坐寂寥
湘浦葉飛驚歲晚鈴山家在憶書遙
垂垂一樹梅花白賴爾能將旅思消

暮次靈川懷寄大叅師舜憲副天益二鄉

丈

天南歲晚更依依朔雪寒雲遶樹飛
投館驚看

風土異臨觴悵憶故人違情同灘水仍西注身
似春鴻向北歸想見郵亭頻駐馬獨吟千嶂已
斜暉

發湘江

人日移舟湘水畔東風吹浪徹寒陰城邊柏葉
留春酌沙際滄浪待客吟煙村小逕通漁浦石
壁迴谿映竹林時向舟人問佳境前程幾處費
登臨

陽春書院唐朱二侍御邀集

陽春院裏花仍發不飲其如春色何高臺曲沼
人能到遲日濃煙景自多猶憐綠水飛鴻鴈更
看蘼舟採芰荷章郎昇平異前日時邀驄馬一
相過

楊侍御使蜀

江草萋萋江水長使輶聞欲度瀟湘開帆夜坐
星河色載筆春吟杜若香綵繡過家非舊服皂
囊還闕有新章西州五月無炎暑應避青驄滿
路霜

喜雨和郭司業

入秋忽聽翻江雨長夏空瞻落檻雲
頓失塵埃淨如洗乍迷山翠杳難分
民情正望倉箱富神薦猶憑黍稷芬
更喜清涼慰幽獨簡編遙夜坐
焚膏

和顧華玉憲長遊天界寺之作

素衣那受市塵侵虛谷迢遙見此心
苔逕客吟猿鶴靜石牀僧定薜蘿深
高賢有意依蓮社開士何年建鷲林
肯借玉琴酬雅興欲憑芳草寄

幽尋

遊淇陽洞

鶴馭鸞驂去不回林扃岫幌客頻來
洞門日照煙蘿發巖竇泉飛雪屋開始
驚竒僻非人境更愛攀臨坐石苔
迴興出谷千峰暝猿嘯禽啼萬壑哀

虎丘臨眺和朱侍御

翠嶺晴煙鎖鷲峰玉泉陰洞隱龍宮
高攀雙樹青冥上俯瞰三吳宿靄中
沙浦斷雲低度鳥石

林修竹靜吟風禪房水石佳遊在塵世滄桑浩劫空

蕭子卜居梅林賦贈

溪上梅花玉作林溪邊茅屋苦寒侵孤山倚棹逢詩興潁水移家見客心日暮漁歌來浦溆雪晴花色上衣襟風塵擁傳勞爲郡時向滄洲寄一吟

贈張建寧太守

武夷煙月鎖潺湲露冕春行碧嶂間粉署却辭

僊直遠滄洲故與吏情閒朝廷政賴循良寄閭巷風從揖讓還精舍考亭松桂在爲收遺籍副名山

徐養齋方棠陵偕至喜而有作用浚川少

司馬韻

江上新傳李郭舟鶴汀鳧渚羨清遊誰知今日來千里似憶佳期渺十洲梧竹越山棲綵鳳風雲天路引驂騮相留擬下南州榻醉裏狂歌海月秋

和陳司馬元日早朝

袞袍當殿識威嚴黃表開函近
御簾舜曆堯
莫欣載紀日華天表慶同瞻
赤葵心向青陽吐
豐草恩隨湛露沾聞道塞垣新撤警
聖謨賢
略已先占

奉

詔陪祀穀祗壇西苑遊矚泛舟太液

和亭溪學士

祗壇奠璧曉光初法駕臨疇宿雨餘
幕近爐煙
浮羽仗林晴花色上簪裾
身逢廣樂鈞天盛世

際淳風太古如農畝起家陪
帝籓江鄉春事

憶郊居

僊舟春汎渺銀河桃杏紅芳水綠波
日出芙蓉
開帳殿風迴笙吹繞雲蘿汀洲鳧藻榮光滿樓閣
煙花淑景多不是傳宣承
帝澤豈緣天路
得經過

使郢發京六部都察院通政司大理寺會

餞于報國寺

雙龍御節下重霄九棘芳筵集上僚冠蓋寵

歷代詩選 卷之九
行賓禮重山川銜命去程途天香清楚留僧室
霧樹啼鶯別市橋幸遇 聖明崇孝理願從南
國采風謠

次襄陽

朔雪荒臺獨鴈飛楚鄉凝眺轉依依天連浦溆
惟寒水山隱城阜已夕暉旅客競尋潼口住釣
船閒傍鹿門歸龐公舊隱巖扉在悵望無因得
息機

梅花泉同紫巖太宰遊次韻

聞道幽香臨絕澗偶尋遺跡一相過風前雪樹
花難覓巖上霞箋字半磨苔逕客行青嶂遠石
堂僧占白雲多塵跡此地應稀到洞口年年長
薜蘿

至日集靈谷寺

青霞宿霧淨朝陰長笛洞簫悲遠林雲竇泉流
孤壑靜石門風入萬松深迴廊古壁傳名畫墜
葉微霜助梵音此地巖巒足幽勝歲時携酒一
登臨

歷代詩選
至日上方吟送酒盡看鸞鶴在煙霞陽回嶰谷
時方泰山繞鍾陵境自嘉林下幽香逢蕙草水
邊春信見梅花習池賓客今名勝轉覺風流興
未涯

金陵歲夜

舊都遺俗是昇平坐聽盈門鼓吹聲栢酒競傳
知臘味土牛初獻識春耕萬家梅柳開煙市雙
闕星河隱鳳城萍海客遊今老大自慙癯質玷
華纓

○寄題歐侍御碧溪草堂

柱史谿堂何處尋石潭沙鳥靜陰陰扁舟客到
柴門近芳樹鶯啼草屋深霜簡皂囊酬夙志渚
蘭汀芷寄開心濯纓擬和滄浪曲抱膝還爲梁
甫吟

王銀臺北上識別

長安里第似幽居水石流傳亦到予芳會更移
泉上酌舊題多認竹間書爐峰遶洞山常近書
帶縈堦草未除君去好隨天闕鳳吾衰終釣楚

歷代詩選
江魚

送大司寇周公致政

海東歸駕杳難攀，松桂清陰滿舊關。
老境正逢開口笑，畏途誰得乞身還。
花邊曳杖吟隨鶴，湖上移舟坐看山。
簪笏有人能繼美，恩波長在五雲間。

陳中丞年兄陞大理卿還朝贈別

卿月招回入紫微，法星迢遞別南圻。
江波共惜僊帆遠，臺路爭看繡斧歸。
松栢晚當水澗立，鵝

鸞春傍禁林，飛江去雲樹遙相憶。
榜下同年大覺稀。

大司馬劉公宅翰林諸寮修瀛洲會限韻

鍾山晴對草堂青，勝日芳筵更此庭。
花霧竹煙籠氣色，漢雍唐省備儀刑。
直令渾噩追三代，坐見文章似六經。
却憶北扉供奉日，幾回鐘漏視明星。

烹茶燒竹坐談經，正愛清香滿戶庭。
賴有琴觴能遣俗，都無案牘可勞形。
上林梧竹棲羣鳳，東

壁文章紀二星他日漢家麟閣上願期勲業在
丹青

答潘石泉年兄見贈

塵壒驅馳愧我形鬢衰非復少時青偶隨冠佩
登仙署未有滄埃報帝庭省閣優閒無吏牘
山川名勝有圖經江湖敢替憂君念夜夜頻
瞻紫極星

贈馮郎中

楓岍沙汀江上秋若爲遙駐木蘭舟含香舊侶

辭僊署剖竹新恩寄遠州適楚更題鸚鵡句登
臺那憶鳳凰遊天涯勸爾頻加飯壯志平生不
易酬

贈惲郎中出守溫州惲前歷均郢二州也

東際鯨波郡國寬魚符新輟漢郎官循良舊望
人先喜山水佳遊路豈難齋閣靜依棠樹憩海
天晴得屨樓看相知未久那成別遙聽賢聲爲
爾懽

南京吏部後圃池亭

一泓長湛鏡中天欄檻憑高得月先
砥道省中持簡牘不知窻外有林泉
幽篁拂座能蠲俗老檜凌霜不記年
誰信仙曹兼吏隱詩成莫遣外人傳

正月十七日訪林諸寮於敝寓山池爲瀛洲之會闔韻得七言近體

客邸長安水竹居能堪八座擁朝裾
幔亭正啓神僊宴花逕初停長者車
幽洞駐雲迷紫翠巖池消雪漾清虛
莫嫌菲薄無供給留取新題石

上書

西園賦贈徐六公子用陳侍講韻此地卽

鳳臺遺址

幽人宴息在林園不信城闔車馬繁
鏡裏芙蓉臨玉沼煙中樓閣俯青原
荒臺鳳去雲俱寂茂苑鴛啼日自暄
合有神僊來此地時占紫氣候前軒

暮春集鷄鳴山閣

勝侶携尊興不違春山高閣坐忘歸
濃煙密樹

歷代詩選 卷之八
深相映麗日澄湖迥自輝清磬乍隨僊梵遠異
花時傍佛筵飛真從畫裏看京邑更與攀蘿上
翠微

除夕

盃湛燈明深客堂促陰浮跡笑塵忙病來漸覺
形容老靜後渾於歲月忘星斗逼簷知夜永攏
哇融雪十年康朝衣細整聽鐘漏正想氤氳漢
殿香

贈呈立赴曲江丞

童稚情憐硯石親雪牕螢館共悲辛那堪老至
思前事恐向天涯別故人對酒莫辭寒夜醉折
梅應寄遠江春河陽小試君休歎遙聽賢聲慰
吏民

祇役戚園覽遊西山諸寺

西峰東嶮鳴鐘近寶刹珠林處處來松逕駐驂
僧吹發石溪流葉寺門開始驚鳥道看難到漸
入雲根興轉催年去尚嗟筋力在夕陽重上最
高臺

平坡寺在西山之巔境甚奇峻攀磴而陟
俯眎萬壑予爲禮侍一至今十年矣

入門雙樹欲參天爲禮雲峰一爽然長向省曹
迷簿領恐令心賞負風煙乍聞鐘梵千林上徙
倚蒼茫獨鳥前再入南宮容鬢改山僧猶記昔
遊年

和宗伯託翁雨宿浣花草堂

臥聽西巖風雨生草堂蕭颯一燈明竝枝宿羽
深愁濕遶竹飛泉倍覺鳴仲蔚蓬蒿連宅徑少

陵花鳥入詩情故園已是滄洲別華省猶傳白
雪聲

送許少宰之南都

香案携經直九重留曹聊復借高蹤渡江風
送僊舟鷁望氣雲蟠帝宅龍東郡掃松還駐
節北書將橘謾題封舊遊回首難忘地座倚修
篁夕翠濃

贈甘几山少保

尚書投笏賦西歸擁傳承恩倍有輝鷗夢却便

洲渚靜鴻冥真與世塵遠留侯穀爲尋僊辟疏
傳金從宴客揮獨有丹心仍戀主夜瞻星斗
望形關

贈盧睿卿司業

南舟遙問秣陵程北客初諧作宦情海近雲霞
連北固宮深鐘漏隱西清才名早已儲三館形
勝真堪賦兩京自昔成均師道重諸生今喜得
陽城

壽白菴趙翁石埭之父

郎官闕下拜恩初歸覲高堂樂有餘異代王孫
傳舊譜清時逋客賦閒居身安豈問還丹訣興
逸惟耽種樹書頻報家音知善政江間容易得
雙魚

贈錦衣徐少東奉使滇南因述舊遊奉寄
尊翁東園親丈致予懷仰之私

信陵池館帝城隈幾坐層軒共舉盃疊石却爲
栖鳳島並湖因作釣魚臺別來景物聞增勝老
去流年惜暗催欲賦前遊那可再暮雲江樹首

題回

題西湖景畫

一帶雲峰望却無六橋煙樹隱模糊夕陽樓閣
林藏寺芳草汀洲水滿湖蘇相堤橫蒼逕遠逋
僊宅傍碧山孤畫圖云是西湖景曾到西湖似
畫圖

贈袁懋淳太史

燕谷回春春色晴爲斟春酒送君行過鄉草引
王孫路投館花迎漢使旌太史壯遊窺禹穴儲

臣僊籍繫蓬瀛南宮第一題名日曾記君王問
長卿

贈嚴敏卿太史使河南遂奉親歸吳

願封銜命促征車奉使隨親樂有餘覽德正翔
阿閣鳳承惟應饌越溪魚鶯花江畔逢春早冰
雪途中見歲除莫向梁園輕授簡須知文價重
璠璵

贈趙大理之南寺

茲行堪慰宦遊情驄馬翩翩識舊程憲府名高

歷代詩選 周柱史留都班列漢公卿雲中玉殿朝 陵近
樹裏玄湖坐寺清人道釋之能執法一時刑獄
自稱平

題雙松卷

庭中雙松樹柯葉何青青歲晚巖居子相期來
鬪苓

雨泊鳳州酬寄朝望太守

鴉濕波翻木鷗喧雨滯洲離心何處是暝色載
孤舟

賜葫蘆畫五對

殿裏皆高手丹青繪事竒宛疑臨水石春色上
花枝

勅賜禁中乘馬

天閑神駿 勅教騎長奉傳宣過苑堤因是翠
華 宸蹕近柳邊深隱不聞嘶

賜太液乘舟

蘭舟演漾水雲空花葉田田島嶼風棹入瓊波
最深處玉樓金殿影西東

歷代詩選 明倫彙編 家範典 孝行典 卷之三十一
詔賜金海乘涼

林陰深靜鳥聲和
溽暑全消爽氣多
太液池頭夜來雨
微風新綠水層波

西山雜詩

本朝陵墓壯西山
松栢神宮未可攀
獨有中官奉祠祀
石房煙火翠微間

澗松巖石蔭秋蘿
貪看青山寺寺過
歸鳥數行西日外
樹煙橫碧晚鐘多

嶽下贈常甫兄

白玉堂中鵷鷺羣
十年江海歎離分
豈意與君逢此地
亂山携酒看飛雲

雪霽堂遲欽之

遠信初聞近復疑
西堂清怨獨吟詩
須臾松逕傳銀燭
顛倒風亭洗玉卮

湘山寺唐無量壽佛示寂

雲嵐坐湧巖扉暝
薜荔行遮塔逕斜
兩日炎川病如洗
湘山寺裏見梅花

興安縣

破屋古松暄夕籟遠峰寒霧起層陰梅花兩岬
灘江水歲晚相隨到桂林



石倉十二代詩選

明次集卷一百十六

甘泉集

大明

增城湛若水著
後學曹學佺閱

贈別陽明子王伯安

窈窕者誰子絕代亮無雙不諳小姑性以直終
見傷雖則終見傷中情庸何妨誰為別鵠吟此
曲多慨慷

二

遲遲別帝都遲遲胡乃爾臣軀易棄捐臣心詎

歷代詩選 明 潘元明
能死 天王會聖明帝闢亦孔邇援琴不成聲
掩仰淚橫泗

三

黃鳥亦有友空谷遺之音相呼上喬木意氣感人深君今脫網罟遺我在遠林自我初識君道義日與尋一身當三益誓死以同襟生別各萬里言之傷吾心

四

行行過湘浦舉首望九疑若見重華墓爲我三拜之三拜之不足稽首重致辭都俞事久濶嗟予將安歸

過玉山

步出草萍關舉首見懷玉超然動遐想中有綵雲屋山高天宇空安知白日速翩翩青鳥使暮歸玉臺宿

別後與趙元默言懷

子房報韓心毛公捧檄意衷曲誰能亮舉世皆非是聖哲明幾先衆人視成事濁水出摩泥一

朝迥神異士志各有定肯作俗流比

二

嘒嘒嗟斷金悠悠結同心同心苟不固膠漆亦未深杯酒出肺腑按劍起知音朝爲魚水歡暮爲商與參同學張陳子干戈竟相侵去去請息交鷗盟蚤當尋鍾期或未死吾且囊吾琴

戊辰臘月廿七夜夢王伯安兄

四時有去來逐客久不至天運尚可量人事誰能計昨夜夢見之彷彿精神契語久聲彌低畫

地示予字滅沒不可辨了了得其意言別何匆勿路遠會難繼合歡詎知夢是夢聊足慰借如平生魂亢爽不可致念之生悲悽達旦不能寐

新春寫懷寄王伯安

陽氣回管律百蟲已驚蟄彼蟲尚有情草木皆萌蘖君心亮匪石墜井不復發三年事遠遊一去無書札天道苟好還君當終言旋

中秋感興

明月當中天迢迢步前庭問此是何時昏中正

虛星嗟歎良獨久化機倏流行白鳥會中具孤
蟾豈常盈粲粲彼嫦娥皎潔含天靈長風掃雲
翳率土仰貞明所嗟時不待幾見天河清
贈人遊南雍
遊子涉江去采采南澗芹采之欲何爲歲暮寄
遠人懷人自不遠歲暮行當返

冥鵬

冥鵬將圖南去以六月息試問何太遲物以久
而積冥鵬起扶搖九萬一朝極試問何太速風

積有餘力嗟彼蜩鷃徒槍榆聊自適槍榆不崇
朝孰辨垂天翼

送林君信節推之台州

秋高天宇空河漢淨如澄月華皓無際亭亭照
子行涼風起天末金石爲之鳴回薄西山岑搖
搖吹客旌風以比君清月以比君明清飈願遠
播明照無遺情

泛太湖訪九和侍講聚塢別業

少非風塵姿雅志在丘壑偶從野王舟春夜太

湖泊茅公向我揖爲我舉雲幕雨後空宇澄天
高極寥廓七十二峰巒縹緲天際落日短意不
窮更上湖邊閣

登琴臺

陟登千仞岡超然坐琴臺長倚青琅玕舉手望
蓬萊不見瑤臺月但見青鳥來弱水幾清淺念
之令人哀

錢塘觀潮

乘月步層臺獨立倚長塔迢遙望東海天
地歸

吐納夜潮殷如雷濤頭雪山立病骨怯虛寒四
月欺緼衲

過錢塘江將訪大冢宰王先生有懷陽明
兄

迢迢涉江去江介生淒風涉之將奚爲南湖采
芙蓉美人在遠道我心憂冲冲登山足夔魅蹈
海多魚龍俯仰天地內去子誰予從

訪陽明洞天

道經蓬萊館溪窮到陽明下看東南峰蒼蒼入

青冥不詣此真境焉知非虛名
踈踏步岩石山高豈無靈子
喬不可見佇立魂屏營草木
如有識欣欣向予榮采之欲
誰寄歲晏難爲情

鄔子

投暮宿瑞洪際曉過鄔子薄雲
逝輕涼微雨濕芳沚高帆信
天風斷港出湖洑因動江湖
思便欲泛彭蠡遙挹五老峰
汀洲采蘋芷乘流直東下無
乃瞬息耳

謁徐高士墓一首

藹藹東都季羣公青雲器耿耿
陳竇心時違勢自躓哲人方
龍蛇沈冥西江汜下榻豈無
論棲棲欲奚俟載頌厦木言
時之用大矣

明月吟一首南安舟中作

舉首望明月明月沈海中舉手
招白雲白雲遊太空白雲不可
結明月不可縫攬袂長歎息
星火忽已終安得飛僊子借
我一蒼龍

曲江吟懷張文獻

曲江江水長欲濟川無梁美人
不可卽風度安

歷代詩選
可量飛鳥擇高枝鳴鳳在朝陽皇唐世已遠千
載空翱翔

武溪吟懷俞忠襄

武溪溪水深欲往隔雲濤美人在何許風采空
遺音愛思滿南北託之被絃琴惟有江門石可
以寫我心

滇陽吟

滇陽滙清深兩岨山千尋倒景覆東壑返照他
山林野篠搖壁動山芭倚風吟悄然興我思愧
負泉石心高岡挂塵冠長流濯塵襟

黃丹道中卽事

客子念前路居人慕歲功舒眸望南荒林木鬱
葱葱借問此何時日度玄枵中落葉靡墮景來
雁無遺蹤自非朔風發何以辨玄冬乃知天地
大因茲窮始終

古邕州忽見故人龔謙之贈之歸潮陽

人生如浮雲散在天一涯天涯又飄泊浩蕩成
攤披風吹一朝合聚會豈有期閒雲不出山遊

魚不越溪行矣歸毋遲春山多紫萼

自龍州至憑祥道中

癸酉王正月望舒忽已圓登望憑祥陸暫辭龍
州船杭葦始斷港前旌出回巒隱見萬山中初
翳疑無門轉忽或有通上與青空連灑落觀羣
山芙蓉秀晴烟烟與山俱淡心與境相關倏然
若有得殊土元同天

新歲

俗情愛新歲寒暑運之常常運委我去感茲禱

慨慷慨亦奚爲有志不獲將悠悠萬里道稅
駕未有方豈無髣如絲那堪補君裳

僕山驛道中

側逕通幽崖凌風放高躅下有百尺淵上蔭千
尋木冷泉漱溪毛迴颺動脩竹超然生奇懷情
結清溪曲中有無名禽于茲媚幽獨

回宿丕禮曉枕夢先師石翁先生

鳥鳴客初覺簷隙光漸發欲起仍遲留省事心
已折哲人夜入夢遺我一書札恍惚不可讀意

了字滅沒展轉隔幽明哀歌思盈闔

予與潘黃門使安南還憇龍州同州守趙良弼遊僊岩卽席賦此時正德癸酉二月十日

月十日

崢嶸屹野次石壁開岩扉山木雖未暝白雲暮來歸小憇登陟餘超然生遠思涼飈起新霽高歌送微暉風雲一飄散浩蕩本無期

遊三州岩

地有濂溪書院

昔欲訪名岩匪爲恣盤遊聞有先哲蹤因茲仰

前脩野雲埋古院光風滿層丘伊人不可見頓令我心憂溪蓮有佳實欲采渺無由

九月二十二日同高侍御登六榕寺塔

秋高氣初清雲淨天宇澄超遙上危塔憑虛步青冥仰近北辰次下壓南極星達觀衆妙理俯察羣動情斯人苦長勤日夕競營營感彼江流水朝宗去不停

同南雄李太守林通府冷節推讌飲登浮屠

屠

嘉筵藉蘭若宿雨清埃氛廣宴開雲嶠清歌臨
水濱愛客感賢守鼓瑟愧嘉賓狎坐飛羽觴更
酬倒瓊樽奇懷寄登眺危塔凌青雲舒眸碧海
際浩蕩觀無垠寓目周四野歌嘯聲相聞乃知
非盤樂遊息至理存

癸酉除夕貴溪道中

伊昔垂髫年逢歲輒歡喜喜歡將何如數日仍
屈指事與年侵尋世網固纏已物態遷性情感
節悲懷起四序恒不居天地有剝否眇茲血氣

軀神理會頽比四大非我物安能保妻子骨肉
尚不顧官爵寧久恃因魚樂深淵醜礙思脫屣
何當凌高風采薇西山趾

甲戌正月十日同潘仲魯黃門諸友遊金

華雙龍赤松諸洞

曉出蘭溪門逍遙望名山望之已可愛而况遊
其間窈窕藏境勝夷曠令心開白雪豈冥冥溪
流日珊瑚不見牧羊子化石只依然心迹俱寂
寞悵望未能還

歷代詩選 明 清 天 月
酬姜仁夫用陽明韻見贈兼懷陽明二首
榜夫晨理棹行人難久留悲管三四動注目臨
溪樓昨爲飲會地隔旦如三秋流光逝不停一
去永不收幽蘭發汀渚靈芝秀崇丘國風遺遠
馥聊以消我憂

二

險阻思安土樂天安可忘念彼同懷子睽別令
心傷天地尚廻轉日月會有常只尺乃千里何
况道路長淞雲歇懸榻葵雨暗山房摩挲舊題
句中夜夢連牀

送黃小江僉憲進表畢還廣州

弱齡塵外志黠也與爲徒微尚夙所敦俛仰一
紀餘傷哉力不競淪落在泥途中夜起浩歎攬
衣步前除咎已有餘裕尤人多憂虞行年四十
九將與伯玉俱知非在今始言爲知者攄

二

鳳凰曠世出一鳴三千年寥寥抱真士翰光自
委身我慕牛醫子沈冥以不言之子小江秀翩

歷代詩選
翻五陵間家學傳令德發憤追前賢風昔游文
藝于今邇真源努力愛日月逝矣如長川

甘景陽司訓自郡中還過小瀛

客舟何悠悠來自天際頭水荇動微颺旭日孤
帆收云是樗里子薄言與同遊維南有嘉木好
鳥時相求對此終日夕聊以忘吾憂未應小瀛
月虛繫蕩湖舟

附渡北行夜阻風山旗坑寄懷陳睡卿馬

懷瑞諸同讌

旦從故人讌洒落坐高軒一爲風水別中阻荒
州孺起視迷四野相憶夜漫漫青蠅附馬尾利
鈍故隨人貞女託所天憂樂由夫若總爲物所
誤中立無纏牽纏牽累千里萬事有固然因茲
悟至道與君同勉旃

卜石翁改葬皂帽峰東仲案

皂帽何處峰青天歛芙蓉呖嶧昆侖頂窈窕蓬
萊宮本自同大塊積氣有所鍾洒落看諸山諸
山赴海同羣峰與萬壑拱揖如朝宗壁立千萬

仍鳳凰翔高風于茲擬埋玉可以配我公二紀
猶此劫五百隱竒蹤一朝迴神異冀北馬羣空
宿寶峰寺
秋深天氣肅雨餘亭館涼迢遙登梵閣寂寞坐
僧房地高天宇空霜露沾衣裳虛磬發林杪傳
燈泛雲光端居宜寂滅感節故悲傷色空本同
體根塵何必忘

有客過西樵燿霞洞有作答之

我廬在煙霞逍遙出雲端天空鳥道絕江迥紫

門閒翩翩者誰子放歌來扣關昔爲青衿彥今
爲入幕賢手持綱成策爽氣凌高寒

三水候送郭總戎不至二首

戴星出西樵見月望三水愁愆美人期君命恐
不俟朔風吹船頭寒沙齧船趾開蓬瞻停雲未
忍中道已

厥明泊水涯樓船猶未來捨舟步曲岬登高望
所懷所懷久不至渺渺令人猜自古難前期人
事多好乖

得垂虹泉懸壁岩

東行度龍溪遵嶺北而西迴望煙霞洞中居控
四維前得垂虹泉珊珊落雲端壁立如斬削鳥
道孤岩懸于茲宜攬結或可作小歇洗耳與枕
流長以師峻潔

李親秉忠過煙霞贈之

抱病煙霞居遠世日婆娑不見交親至惟見白
雲過孟夏風雲會送子來大科洞門脩且深窈
窕入煙蘿羣彥翕然集燕飲酣且歌警發同文

曾言笑靡及他豈無欲君意未敢言琢磨不謂
卽言旋白雲如子何賤軀因晨風言餞山之阿
南京劉秋江至煙霞

有鳥振奇羽周逝隘八區嗟彼槍榆翅一枝徒
自娛素啄秋江水今將睨天池偶值雲端樹况
是千尋枝積風負大翼殊量非小知語君九萬
程君志定何如

送戴員外

戴君工垂佐業出石鏡陰邂逅道知素因憶齊

雲岑國計赴留司若過桑梓林爲予借石鏡可
照萬古心

題華山希夷睡圖

陳橋數萬之擾擾不供墮驢之一笑宋家四百
之歷年不足開眉之一覺五龍睡法不可傳虛
以待之無所先一闔一闔皆自然此輩豈是作
夢人引筇卓地脫笠頂自有天地爲衾枕何須
更費買山錢落花啼鳥春無窮欲畫此夢須夢
中

過波羅二首

片帆出扶胥潮打虎門開正愛遠山青白鳥閒
飛來

舉手望飛雲鳴橈過黃木艤舟江上亭虛空觀
日浴

送郭總戎三水之會夜歸一首

稍稍將船出倏爾度三辰朝去暮知還多愧山
中雲

何親邦仁將北上來別燧霞

有客來煙霞告我遊燕北送子以愁心徘徊瞻
斗極

答邕州別駕鄧誠之

美人昔別藤江濬藤江山前雲滿溪
翳門關外
春草萋王孫王孫歸不歸



石倉十二代詩選

明次集卷百十七


少谷集

大明

閩縣鄭書著
後學曹子徐闕

遊俠篇

長安逢少年意氣何昂昂鳴鞭六陵坂先驅勢
正強戒途列萬騎一一羽林郎鏡吹動地來颯
沓若雲翔面前五花驄寶帶金絲韁腰間雙龍
劍吳鉤飾英璜弄兒十四五藉綺凝素光行行
且游獵游獵及上陽張弧向大漠忽墜雙飛鶴



持歸平樂宴象筵歡未央借問此何誰云是漢
金張六年起卒伍一日傾侯王丈人天帝子出
入乘金闈揚聲重綸緯流燄爍朝堂逆鱗不可
嬰大阿手所將乃知朱門貴溢恩胡可量

佳人篇

青青孀畔蕉粲粲空谷女頭上金錯釵宛宛鸞
鳳舞腰間碧玉佩娟娟下蘭麝言采草中英不
踐草上露新製齊紈扇自障復自願非無合歡
被防身密如堵飄風吹楊花夫君渺何許長恐

時易沈裁悲以延佇

蘇惠娘織錦

仰看天上星環轉如車輪經緯自有度卑尊豈
無倫憑妾手中梭愆妾心上棼縱橫八百字反
覆各成言妾心方悔悟君心倘回旋

南山一株松

南山一株松衣被何嬋媿上焉絕雲氣下者抵
流泉季秋零露沍百卉乃弃捐脩條抗回風况
結霜霰緣附托一得所斤斧那得前所以保容